

HEBREOS

Marĩꝑꝝ ĩgũ magũ Jesucristo merã weredeamarẽ gojadea

¹ Iripoegue Marĩꝑꝝ ĩgũya kerere weredupiyunerã merã marĩ ñekũsãmarãrẽ werenũgãdi ããrĩmĩ. Yoaripoe wãri ĩgũ turari merã iri ĩmurĩ, ĩgũ weredoreri, kërõgue ĩmurĩ merã ĩgũsãrẽ ĩgũyare masĩmakũ iridi ããrĩmĩ.

² Dapagorare i ãmũ pereburi dupiyuro ĩgũ magũ Jesucristo merã marĩrẽ ĩgũyare weremi. Neõgoraguere Marĩꝑꝝ ĩgũ magũ merã i ãmũrẽ iridi ããrĩmĩ, ããrĩpereri ĩgũ gããmerõsũta ããrĩburo, ãrĩgũ. Irire iriburo dupiyuro ĩgũ magũrẽ pídi ããrĩmĩ, iri ããrĩpererire opabure. ³ Jesucristo, Marĩꝑꝝ gosesiririre opagũ, turatarigũ, õãtarigũ, Marĩꝑꝝ ããrĩrikurire opagũ ããrĩmĩ. ĩgũ turaro doreri merã ããrĩpereri i ãmũmarẽ ããrĩnĩkõãmakũ yãmi. Marĩ ñerõ iridea wajare tau odo, pũũ ãmũgasigue Marĩꝑꝝ turatarigũ diaye gapũ eja doadi ããrĩmĩ, ããrĩpererãrẽ doregũ ããrĩbu.

Marĩꝑꝝ magũ, Marĩꝑꝝre wereboerã nemorõ turagũ ããrĩmi, ãrĩ gojadea

⁴ Irasirigũ Marĩꝑꝝ magũ Jesucristo, Marĩꝑꝝre wereboerã nemorõ turagũ ããrĩmĩ. Marĩꝑꝝ ĩgũrẽ: “Makũ, mũ yũ magũ ããrã”, ãrĩdi ããrĩmĩ. Ángeles gapũre: “Yũre wereboerã ããrã”, ãrĩdi ããrĩmĩ. ⁵ ĩgũ magũrẽ ãsũ ãrĩdi ããrĩmĩ:

Y_u magũ ããrã m_u. Dapagã merã m_u, y_u magũ
ããrĩrĩrẽ masakare masĩmakũ yãa, ãrĩdi
ããrĩmĩ.✠

Neõ sug_u ĩgũrẽ wereboeg_ure irasũ ãrĩbiridi ããrĩmĩ.
Ĩgũ magũyamarẽ ãsũ ãrĩdi ããrĩmĩ doja:

Y_u, ĩgũ pag_u ããrã. ĩgũ, y_u magũ ããrĩmĩ, ãrĩdi ããrĩmĩ.✠

Neõ sug_u ĩgũrẽ wereboeg_ure irasũ ããrĩbiridi ããrĩmĩ.

⁶ ĩgũ magũrẽ sug_u ããrĩgũrẽ i ãm_ugue iriug_u, ãsũ
gap_u ãrĩdi ããrĩmĩ:

Ããrĩpererã y_ure wereboerã, y_u magũrẽ ejamejã,
b_uremuburo, ãrĩdi ããrĩmĩ.✠

⁷ ĩgũrẽ wereboerãyamarẽ ãsũ ãrĩdi ããrĩmĩ:

Y_ure wereboerãrẽ mirũ wějãpu taurosũ, peame
ũjũrĩ pũrã irirosũ waamakũ yãa, ãrĩdi
ããrĩmĩ.✠

⁸ ĩgũ magũ gap_ure ãsũ ãrĩdi ããrĩmĩ:

M_u ããrĩpererã Op_u ããrĩnĩgũ ããrã. M_uyarãrẽ diayeta
dorea.

⁹ Diayema iririre gããmea. Ñerõ iririre dooa. Irasir-
imakũ ĩãgũ, y_u m_up_u m_urẽ ããrĩpererã Op_u
ããrĩbure beyeb_u.

Irasirig_u m_urẽ ããrĩpererã m_u merãmarã nemorõ
ũsuyari merã ããrĩmakũ irib_u, ãrĩdi ããrĩmĩ.✠

¹⁰ Idere ãrĩdi ããrĩmĩ Marĩp_u ĩgũ magũrẽ:

M_u ããrĩpererã Op_u, neõgoragueta i nikũ,
ãm_ugasidere irib_u.

¹¹ Gajipoe i ãm_u m_u iridea p_ureakõãrokoa. M_u gap_u
ããrĩnĩkõãg_ukoa. ããrĩpereri m_u iridea gap_u
surĩro boarosũ, boap_ureakõãrokoa.

✠ 1:5 Sal 2.7 ✠ 1:5 2 S 7.14; 1 Cr 17.13 ✠ 1:6 Dt 32.43 ✠ 1:7
Sal 104.4 ✠ 1:9 Sal 45.6-7

12 Irasirigũ suríro bũguñerẽ túwea béo, gajiñe maamañe gorawayurosũ, ããrĩpereri õãrĩ ditare gorawayugũkoa. Mũ gapũ neõ gorawayubirikoa. Murãrõta ããrĩnikõãgũkoa, ãrĩdi ããrĩmí.✧

13 Irasirigũ ãgũ magũrẽ ãsũ ãrĩdi ããrĩmí doja: Yũ diaye gapũ doaka! Mũ doaripoe murẽ ãaturirãrẽ mũ dorerire neõ tarinũgãnemobirimakũ irigũra, ãrĩdi ããrĩmí.✧

Ãgũrẽ wereboerã gapũre neõ irasũ ãrĩbiridi ããrĩmí.

14 ããrĩpererã Marĩpũre wereboerã deyomarĩrã, ãgũrẽ moãboerã ããrĩma. Marĩpũ Jesucristo taurãrẽ iritamudoregũ ãgũsãrẽ iriumí.

2

Marĩpũ ãgũ masakare tauri kerere õãrõ pémakũ gããmemi, ãrĩ gojadea

1 Irasirirã Marĩpũ magũ Jesucristoya kerere marĩ pédeare irasũ gũñaníkõãrõ gããmea, ãgũrẽ bũremurĩrẽ piriri, ãrĩrã. 2 Iripoegue Marĩpũ ãgũrẽ wereboerãrẽ ãgũya kerere weredoredi ããrĩmí. Irasirigũ: “Ñerõ irirãnorẽ, yũ dorerire tarinũgãrãrẽ wajamoãgũra”, ãrĩderosũta ãgũsãrẽ diayeta wajamoãdi ããrĩmí. 3 Marĩpũ masakare tauri kere õãtaria. Marĩ gapũ irire pémerã, ãgũ wajamoãrĩrẽ tausũbirikoa. Marĩ Opũ Jesucristo iri kerere wererũroridi ããrĩmí. ãgũ weredeare pérã: “Diayeta ããrã”, ãrĩ masĩnerã ããrĩmá. Irasirirã marĩdere wereturiamã, irire masĩburo, ãrĩrã. 4 Marĩpũ gaji irinemodi ããrĩmí. Iri kerere wererãrẽ ãgũ turari merã wãri iri ãmurĩrẽ irimakũ iridi

ãārĩmĩ. Irasũ ãārĩmakũ ĩgũ gããmederosũta ĩgũsãrẽ wári Ōãgũ deyomarĩgũ iritamurĩ merã irimasĩrĩrẽ sĩdi ãārĩmĩ, iri kerere weremakũ pérã: “Diayeta ããrã”, ãrĩ masĩburo, ãrĩgũ.

Jesucristo, marĩ irirosũ ðµpµkµgµ deyoadi ããrĩmi, ãrĩ gojadea

⁵ Marĩpµ ĩgũrẽ wereboerãrẽ: “I ãµµ peredero pµrµguere oparã ããrĩrãkoa mµsã”, ãrĩ, neõ píbiridi ããrĩmĩ. ⁶ ĩgũyare weredupiyudi ãsũ gapµ ãrĩ gojadi ããrĩmĩ:

Gµµ Opµ, masaka ubu ããrĩrã ããrĩkeremakũ, ¿nasirigu ĩgũsãrẽ gũnarĩ mµ? ĩgũsã boamurã dita ããrĩkeremakũ, ¿nasirigu ĩgũsãrẽ iritamurĩ mµ?

⁷⁻⁸ Yoabiripoegãta ĩgũsãrẽ mµrẽ wereboerã doka ããrĩmakũ iridi ããrĩbú. Irasirikeregµ, pµrµguere ĩgũsãrẽ oparã sóogµ, mµ turarire sĩbµ, ĩgũsãrẽ ããrĩpereri opaburo, ãrĩgũ, ãrĩ gojadi ããrĩmĩ.✧

Marĩpµ masakare irasũ sĩgũ: “Ããrĩpererire dorerãkuma”, ãrĩ pídi ããrĩmĩ. ĩgũsãrẽ irire píkeremakũ, ããrĩpererire dorebema dapa. ⁹ Marĩ Jesúyama gapµre: “Ããrĩpererã Opµ ããrĩmi”, ãrĩ masĩa. Yoabiripoegãta ĩgũdere Marĩpµ ĩgũrẽ wereboerã doka pídi ããrĩmĩ, ããrĩpererãya ããrĩburire boabosabure. Jesús marĩrẽ boabosamakũ, Marĩpµ ĩgũrẽ maĩgũ, õãrõ iritamudi ããrĩmĩ. Irasirigu ĩgũ boadigue masãdero pµrµ, Marĩpµ ĩgũrẽ turarire sĩ, Opµ sóodi ããrĩmĩ, ããrĩpererã ĩgũrẽ bµremuburo, ãrĩgũ.

✧ 2:7-8 Sal 8.4-6

10 Marĩpũ ĩgũ gããmederosũta ããrĩpereri i ãmũmarẽ iridi ããrĩmĩ. ããrĩpereri ĩgũya dita ããrã. ĩgũ pũrã ããrĩpererã ãmũgasigue ĩgũ ããrĩõgue ĩgũ merã ããrĩmakũ gããmemi. Irasirigũ ĩgũ magũ Jesũre iri-udi ããrĩmĩ, marĩrẽ ĩgũ ñerõ tariri merã taubure. ĩgũrẽ iriudi ããrĩmĩ, marĩ Opũ ããrĩbure, marĩrẽ ãmũgasigue ãĩmũrĩabure. 11 Jesũs marĩrẽ taugũ, Marĩpũyarã ããrĩmakũ iridi ããrĩmĩ. Irasirirã marĩ ĩgũyarã ããrĩsã, sugũ pũrã irirosũ, Jesũs marĩ tĩgũ merã Marĩpũ pũrã ããrã. Irasirigũ Jesũs marĩrẽ: “Yũ pagũpũrã ããrĩma”, ãrĩgũ, neõ gũyasĩrĩbemi. 12 Marĩpũya werenĩrĩ gojadea pũgue Jesũs ĩgũ Pagũre weredeare gojasũdero ããrĩbũ. ãsũ ãrĩdi ããrĩmĩ ĩgũrẽ:

Mũ ããrĩrikũrĩre, mũyamarẽ weregũkoa yũ pagũpũrãguere. ĩgũsã nerẽnarõgue nerẽmakũ, ĩgũsã merã: “Õãtaria mũ”, ãrĩ bayapeogũkoa mũrẽ, ãrĩdi ããrĩmĩ.✧

13 Gaji ãrĩdi ããrĩmĩ doja:

Yũde mũrẽ yũ Opũre bũremunĩkõãgũra.✧

Idere ãrĩdi ããrĩmĩ doja:

Õõta ããrã Yũpũ pũrã ĩgũ yũre pĩnerã merã, ãrĩdi ããrĩmĩ.✧

14 Marĩ, Marĩpũ pũrã, dupũkũrã ããrã. Irasirigũ Jesũde marĩ irirosũta dupũkũgũ aaridi ããrĩmĩ. ĩgũ curusague boari merã wãtĩrẽ, boarire gũirã opũre tarĩnũgã bẽodi ããrĩmĩ. 15 Jesũs ĩgũrẽ irasũ tarĩnũgãgũ, marĩ boaburire gũinĩkõãnerãrẽ taudi ããrĩmĩ. 16 ãsũ ããrã. Jesucristo Marĩpũre wereboerãrẽ iritamugũ meta aaridi ããrĩmĩ.

✧ 2:12 Sal 22.22 ✧ 2:13 Is 8.17 ✧ 2:13 Is 8.18

Marĩ, Abraham parãmerã gapure ãgũ Marĩpũre bũremuderosũta bũremurãrẽ iritamugũ aaridi ããrĩmĩ. ¹⁷ Irasirigũ marĩ irirosũta dupakũgũ aaridi ããrĩmĩ, ãgũ boari merã marĩ ñerĩ iridea wajare wajaribosabu. I merã Marĩpũre: “Waja opamerã ããrĩma”, ãrĩ ããmakũ iridi ããrĩmĩ. Paia opũ marĩya ããrĩburire Marĩpũre sãrẽbosarosũ, ãgũde marĩrẽ õãrõ sãrẽbosami. Irasirigũ marĩrẽ bopoñarĩ merã ããgũ marĩrẽ õãrõ iritamunikõãmi. ¹⁸ Wãtĩ ããgũrẽ ñerõ iridoremakũ, Jesús bũro ñerõ tarikeregũ, ãgũ dorerire iribiridi ããrĩmĩ. Irasirigũ wãtĩ marĩdere ñerĩ iridoremakũ ããgũ, Jesús marĩrẽ iritamumasĩmi, ñerĩ iribirikõãburo, ããrĩgũ.

3

Jesús, Moisés nemorõ ããrĩmi, ããrĩ gojadea

¹ Yaarã, musã Marĩpũ beyenerã, ããgũyarã ããrã. Irasirirã Jesucristore: “Bũremua mũrẽ”, ããrĩnerã ããrĩsĩã, ããgũrẽ õãrõ gũñanĩkõãka! Marĩpũ ããgũrẽ iriudi ããrĩmĩ, ããgũya kerere werebure, paia opũ irirosũ marĩya ããrĩburire sãrẽbosabure. ² Marĩpũ ããgũrẽ beyepĩdi ããrĩmĩ irire iribure. Irasirigũ Moisés, Marĩpũ ããgũrẽ: “Ãsũ iridoreka yaarãrẽ!” ããrĩ pĩdeare õãrõ iriderosũta Jesũde Marĩpũ ããgũrẽ pĩdea ããrĩpererire õãrõ iridi ããrĩmĩ. ³ Irasirirã Moisére bũremudero nemorõ Jesús gapure bũremurõ gããmea marĩrẽ. Iri ããsũ ããrã. Wiire: “Õãrĩ wii ããrã”, ããrĩ ããrõ nemorõ iri wiire iridi gapure: “Õãtarimi”, ããrĩ bũremurõ gããmea marĩrẽ. ⁴ Masaka gapũ wiiri irirã ããrĩma. Marĩpũ gapũ ããrĩpereri i ããmumarẽ iridi ããrĩmĩ. ⁵ Moisés gapũ Marĩpũyarãrẽ doregũ, ããgũsãrẽ õãrõ iritamudi ããrĩmĩ. “Ãsũ irika,

Marĩpũre buremurã!” ãrĩ weredi ããrĩmĩ, pũrugue marã Marĩpũya kerere pémasĩburo, ãrĩgũ. ⁶ Cristo, Marĩpũ magũ gapũ Moisés nemorõ Marĩpũyarãrẽ õãrõ doregũ ããrĩmi. Irasirirã marĩ Marĩpũyarã, gũñaturarire piriro marĩrõ ãgũ tauburire usũyari merã yúnirã, ãgũya wii marã ããrã.

Marĩpũ ãgũyarãrẽ ãgũ merã õãrõ siñajãmakũ gããmemi, ãrĩ gojadea

⁷ Irasirigũ Oãgũ deyomarĩgũ ire ãsũ ãrĩ weredi ããrĩmĩ, Marĩpũya werenĩrĩ gojadea pũgue:

Dapagãrẽ mũsã Opũ mũsãrẽ weremakũ, pẽduamerã irirosũ ããrĩbirikõãka!

⁸ Oãrõ péka ãgũrẽ! Iripoegue Israel bumarãrẽ masaka marĩrõgue ããrĩrãrẽ ãgũ werekeremakũ, ãgũ dorerire tarinũgãma. “Marĩrẽ iritamumasĩbirikumi”, ãrĩrã, ãgũrẽ buremubirima.

⁹ Irasirigũ ãsũ ãrĩmi: “Iroguere cuarenta bo-jorigora yũ turaro merã iririre iri ãmuadibũ ãgũsãrẽ iritamugũ. Yũ irasirikeremakũ: ‘ãgũ marĩrẽ iritamumasĩbirikumi’, ãrĩ gũñanama yũre.

¹⁰ Irasirigũ ãgũsã merã gua, ãsũ ãrĩbũ: ‘Yaa gapũre neõ gũñatũyabema. Yũ dorerire iridũabema’, ãrĩbũ.

¹¹ Irasirigũ ãgũsã merã guagũ, gopeyaro merã ãsũ ãrĩ werebũ: ‘Yũ merã õãrõ siñajãrĩ bokabirikoa mũsã yũre buremubiri waja’”, ãrĩmi.✧

¹² Irasirirã yaarã, õãrõ pémasĩka! Neõ sugũ mũsã watopemũ ñerõ gũña, buremubi ããrĩbirikõãburo.

✧ 3:11 Sal 95.7-11

Irasũ ããrĩgũno, Marĩpu ããrĩnĩgũrẽ bẽogu iribukumi. ¹³ ãsũ gapu iriro gããmea. Ɖmariku musã basi Marĩpuhare gãme werenĩka, ñerĩrẽ iriri, ãrĩrã! Dapagã merã Marĩpuya werenĩrĩ gojadea pũgue dorederosũta gãme werenĩka! “Ñerĩ gapure irirã, usuyáa gu”, ãrĩ gũñarã, musã basita ãrĩkatorã yáa. Ñerĩrẽ irirã, Marĩpu dorerire tarinugãrãkoa. ¹⁴ Cristore b̄remunugãderosũta marĩ okaro bokatiũrõ b̄remunĩkõãrã, ãgũ ããrĩrõgue ãgũ merã ããrĩrãkoa.

¹⁵ Ȳ wererosũta Marĩpuya werenĩrĩ gojadea pũgue ãsũ ãrĩ gojasũdero ããrĩbũ:
Dapagãrẽ Marĩpu musãrẽ weremakũ, ãgũrẽ õãrõ péka! Iripoegue Israel bumarã ãgũ dorerire tarinugãderosũ iribirikõãka! ãrĩ gojasũdero ããrĩbũ.✧

¹⁶ ãgũsã Marĩpuya werenĩrĩrẽ pékererã, ãgũ dorerire tarinugãnerã ããrĩmã. ããrĩpererã Egiptogue ããrĩrãrẽ Moisés ãĩãsũnerã ããrĩkererã, Marĩpu dorerire tarinugãnerã ããrĩmã. ¹⁷ ãgũsã tarinugãdea waja cuarenta bojorigora Marĩpu ãgũsã merã guadi ããrĩmĩ. Masaka marĩrõgue ãgũsãrẽ ããrĩdoredi ããrĩmĩ. Irogueta boanerã ããrĩmã. ¹⁸ ãgũ dorerire tarinugãmakũ ããgũ, gopeyaro merã ãgũsãrẽ ãsũ ãrĩ weredi ããrĩmĩ: “Ȳ merã õãrõ siñajãrĩ bokabirimakũ irigura”, ãrĩdi ããrĩmĩ. ¹⁹ Irasirirã ire masã marĩ. ãgũsã Marĩpure b̄remubiridea waja ãgũ merã õãrõ siñajãrĩ bokabirinerã ããrĩmã.

4

¹ Marĩpu iripoegue marãrẽ: “Ȳ merã siñajãrĩ

✧ 3:15 Sal 95.7-8

bokarãkoa”, ãrĩ píderosũta marĩdere pídi ããrĩmĩ. Irasirirã marĩde goepeyaro merã Marĩpũre yujuro gããmea, ĩgũ merã õãrõ siñajãrĩ bokamurã. ² Marĩpũ masakare tauri kerere iripoegue marã péderosũta marĩde pébũ. ĩgũsã gapũ iri kerere pékererã, bũremurĩ merã pébirinerã ããrĩmã. Irasirirã irire ubugorata péunanerã ããrĩmã. ³ Marĩ gapũ Marĩpũre bũremurã ĩgũ merã õãrõ siñajãrĩ bokarãkoa. ĩgũrẽ bũremumerã gapũre ãsũ ãrĩdi ããrĩmĩ:

Yũre bũremubiri waja ĩgũsã merã guabũ. Irasirigũ ĩgũsãrẽ goepeyaro merã ãsũ ãrĩ werebũ: “Yũ merã õãrõ siñajãrĩ bokabirikuma”, ãrĩdi ããrĩmĩ.✧

I ũmurẽ iri odo, siñajãdi ããrĩmĩ. Irasirigũ masakadere ĩgũ merã siñajãburire pídi ããrĩmĩ. ⁴ Gaji ãsũ ãrĩ gojasũdero ããrĩbũ, ĩgũya werenĩrĩ gojadea pũgue:

I ũmũma ããrĩpererire iripeo odogũ, su mojõma pere gaji mojõ peru pẽrẽbejarinurĩ waaró merã ĩgũ moãrĩrẽ piri, siñajãdi ããrĩmĩ.✧

⁵ ĩgũrẽ bũremumerã gapũre ãsũ ãrĩdi ããrĩmĩ doja ĩgũya werenĩrĩ gojadea pũgue:

Yũ merã õãrõ siñajãrĩ bokabirikuma, ãrĩdi ããrĩmĩ.✧

⁶ Iriipoegue marã, ĩgũ masakare tauri kerere pépũrorinerã, ĩgũ dorerire tarinũgãdea waja ĩgũ merã õãrõ siñajãrĩ bokabirinerã ããrĩmã. Gajirã gapũ ĩgũrẽ bũremurã ĩgũ merã õãrõ siñajãrĩ bokarãkuma. ⁷ Irasirigũ Marĩpũ masakare ĩgũ merã siñajãburire pígu: “Dapagorare yũre õãrõ péka!” ãrĩdi ããrĩmĩ. Israel bumarã ĩgũ dorerire

✧ 4:3 Sal 95.11 ✧ 4:4 Gn 2.2 ✧ 4:5 Sal 95.11

tarinugãdero puru, yoaripoe puru irire Davire gojadoredi ããrĩmĩ. Irasirigũ mũsãrẽ dupaturi irire weregũra doja. ãsũ ãrĩ gojadi ããrĩmĩ David:

Dapagorare Marĩpu mũsãrẽ weremakũ, õãrõ péka!
 Ìgũrẽ péduamerã irirosũ ããrĩbirikõãka! ãrĩ
 gojadi ããrĩmĩ.✧

⁸ Iripoegue David irire gojaburi dupiyuro Josué Israel bumarãrẽ Marĩpu ìgũsãrẽ sídea níkũgue ãĩjadi ããrĩmĩ. Iro gapũre siñajãrĩ bokabirinerã ããrĩmã. Irasirigũ Marĩpu ìgũyarãrẽ gaji siñajãrĩ síburire weredi ããrĩmĩ. ⁹ Irasirirã, Marĩpu i ãmũrẽ iri odo, ìgũ siñajãderosũta marĩ ìgũyarãde ìgũ merã õãrõ siñajãrĩ bokarãkoa. ¹⁰ Marĩpu merã siñajãrã, marĩ gããmerõ moãrĩrẽ piri, ìgũ gããmerĩ gapũre iripũrorirã, ìgũ merã õãrõ siñajãnĩkõãrãkoa, ìgũ i ãmũmarẽ iri odo siñajãderosũta. ¹¹ Irasirirã ìgũrẽ õãrõ bũremurõ gããmea, ìgũ merã siñajãrĩ bokamurã. Iripoegue marã ìgũrẽ bũremubirídea waja ìgũ merã neõ siñajãrĩ bokabirinerã ããrĩmã. Ìgũsã iriderosũ iribirikõãrõ gããmea marĩrẽ.

¹² Marĩpũya werenĩrĩrẽ pérã, ìgũ merã õãrõ ããrĩnĩkõãa. Sareri majĩ pe gapũ usiri majĩ sareñajãrõ nemorõ Marĩpũya werenĩrĩ marĩya yũjũpũrãrĩgue, marĩ gũñarĩgue ñajãrokoa. Irasirirã ìgũya werenĩrĩrẽ pérã, marĩya yũjũpũrãrĩmarẽ marĩ gũñarĩdere: “I gapũ õãgorãa, o i gapũ ñegorãa”, ãrĩ masĩrãkoa. ¹³ Marĩ masaka ããrĩpererã Marĩpu irinerã dita ããrã. Ìgũ ìãberogue neõ ããrĩbea. ããrĩpereri marĩ ããrĩrikũrere marĩ iririkũrere masĩmi. Irasirirã õãrĩ gũñarĩ oparã

✧ 4:7 Sal 95.7-8

õarõ irirã, ãgũ ãũrõ marĩ irideare, marĩ gũñadeare weredoremakũ, gũyasĩrĩrõ marĩrõ weremasĩrãkoa.

Jesús paía opũ nemorõ ããrĩmi, ãrĩ gojadea

¹⁴ Jesús, Marĩpũ magũ, paía opũ nemorõ marĩya ããrĩburire Marĩpũre sërẽbosagũ ããrĩmi. ãgũ Marĩpũ pũrogue ããrĩmi. Irasirirã neõ piriro marĩrõ ãgũrẽ bũremunikõãrã! ¹⁵ Jesús paía opũ nemorõ, marĩ turamerãrẽ bopoñarĩ merã ããgũ marĩrẽ iritamugũ ããrĩmi. Wãtĩ marĩrẽ ñerĩrẽ iridorerosũta Jesũdere ããrĩpereri ñerĩrẽ iridoredi ããrĩmĩ. Jesús gapũ ñerĩrẽ neõ iribiridi ããrĩmĩ. ¹⁶ ãgũ marĩya ããrĩburire sërẽbosagũ ããrĩmakũ ããrã, Marĩpũre gũiri marĩrõ marĩ sërẽmasĩa. ãgũ ããrĩrõgue ãgũ merã ããrĩrã irirosũ sërẽmasĩa. ãgũ marĩrẽ maĩgũ, marĩrẽ bopoñarĩ merã ããsĩa, marĩ ñerõ tariripoere diayeta iritamugũkumi.

5

¹ Marĩ ire masĩa. Sugũ paía opũ, masaka watope Marĩpũ beyepĩsũdi ããrĩmi. Masakaya ããrĩburi ããrĩpererire Marĩpũre sërẽbosagũ ããrĩmi. Irasirigũ Marĩpũre ãgũsã sũduarire sĩbosagũ ããrĩmi. “ãgũsã ñerĩ iridea waja ãgũsãrẽ wajamoãbirikõãka!” ãrĩ sërẽgũ, Marĩpũ ãũrõ waibũre wẽjẽ soepeobosagũ ããrĩmi. ² Paía opũ marĩ irirosũta ãgũ turari merã ãgũ ñerĩ iriduarire tau kãmutamasĩbemi. Irasirigũ pẽmasĩmerãrẽ, ñerõ irirãrẽ bopoñarĩ merã ããmasĩmi. ³ Turabi ããrĩsĩa, gajirãrẽ iribosarosũta ãgũ basi ñerõ iridea waja Marĩpũ ãũrõ waibũre wẽjẽ soepeomi.

⁴ Neõ sugũ ãgũ gããmerõ paía opũ ñajãmasĩbemi. Marĩpũ gapũ ãgũrẽ beyepĩmi, iripoeguemu Aarõrẽ

Īgū beyepíderosūta. ⁵ Cristode Īgū gāāmerō paía opu ñajābiridi āārīmí. Marīpu Īgūrē Opu pídi āārīmí. Āsū ārīdi āārīmí Īgūrē:

Yu magū āārā mu. Dapagā merā mu, yu magū āārīrīrē masakare masīmakū yāa, ārīdi āārīmí.✧

⁶ Gajirogue Īgūya werenírī gojadea pūgue Īgū magūrē āsū ārīdi āārīmí:

Melquisedec paí āārīderosūta mu āārīnīkōāgukoa, ārīdi āārīmí.✧

⁷ Cristo i ūmugue āārīgū, buro oreri gaguinírī merā Marīpure Īgū turari merā Īgū boaburire taumasīgūrē sērēdi āārīmí. Īgū, Marīpu gāāmerī ditare iridūamakū Īgū, Īgū sērērīrē pé, Īgūrē gūñaturamakū iridi āārīmí. ⁸ Cristo, Marīpu magū āārīkeregu, buro ñerō taridi āārīmí. Ñerō tarikeregu, Marīpu dorerire tarinugārō marīrō Īgūrē oārō yujuri merā irire iritariweredi āārīmí.

⁹ Īgū curusague boagu, āārīpereri Marīpu Īgūrē iridoredeare iripeodi āārīmí. Irasirigu āārīpererā marīrē Īgūrē yujurārē taudi āārīmí, Īgū puro perebiri okari opaburo, ārīgū. ¹⁰ Irasirigu Marīpu Īgūrē: “Melquisedec paí āārīderosūta mu āārīnīkōāgukoa”, ārī pídi āārīmí, marīya āārīburire sērēbosabure.

Jesucristore buremurīrē piriri, ārīrā, Īgūrē gūñaturanīkōārō gāāmea, ārī gojadea

¹¹ Cristo paía opu nemorō āārīrīrē wári werenemodūadāa. Musā pémasīturabirimakū, irire weremasībirikoa. ¹² Musā yoaripoe Cristore buremubu. Irasirirā dapagoraguere

gajirārē Marĩpũyare buerimasã ããrĩbukoã. Mũsã irasũ ããrĩbonerã, dapagoraguedere neõ buerũrorirã irirosũta ããrĩkõãã. Őpĩkũ mirĩrã, baari baagamasĩmerã, majĩrãgã irirosũta ããrĩkõãã. Irasirirã gajirã buerimasã mũsãrē buerũrorideare dupaturi buero gããmea. ¹³ Őpĩkũ mirĩrã majĩrãgã irirosũ ããrĩrãno, “I ñerĩ, i gapũ õãrĩ ããrã”, ãrĩ beyemasĩbema. ¹⁴ Baari bũriri gapũ mũrã baari ããrã. Mũrã ããrĩrãno, õãrõ buenerã, õãrĩrē, ñerĩrē beyemasĩrãgue ããrĩma.

6

¹ Irasirirã mũrã pémasĩrã irirosũ Cristoyamarē õãrõ pémasĩrã dujarã, irire buenemorõ gããmea. Neõgorague ĩgũyare buerũrorirã, marĩ ñerõ irideare bujawere, gũñarĩ gorawayurire buebũ, Marĩpũ marĩrē perebiri peamegue béori, ãrĩrã. Marĩ ñerõ iririkũdeare piri, Marĩpũre õãrõ bũremurĩdere buebũ. ² Gajidere, deko merã, Őãgũ deyomarĩgũ merã wãĩyerire buebũ. Marĩ oparã ĩgũsãya mojõrĩ merã marĩrē: “Marĩpũ mũrē iritamuburo”, ãrĩ ñapeoridere buebũ. Boanerã masãburire, Marĩpũ Cristore bũremumerãrē perebiri peamegue wajamoãburidere buebũ. ³ Irasirirã marĩ Cristore bũremurã ĩgũyare buenemowãgãnikõãrãkoã, Marĩpũ gããmemakũ ĩgũ iritamurĩ merã masĩnemorã.

⁴ Āsũ ããrã. Masaka Jesucristoya kerere pémasĩkererã, Marĩpũ ĩgũyarãrē õãrĩ sĩburire masĩkererã, Őãgũ deyomarĩgũrē opakkererã, ⁵ Marĩpũ õãrĩ werenĩrĩrē pékererã, i ãmũ peredero pũrũ ĩgũ turari merã iriburire

masĩkererã, ⁶ iri gapure gããmemerã, neõ dupaturi ĩgũsã ñerõ irideare bujawereri merã pirimasĩbirikuma. Neõ dupaturi ĩgũsã gũñarĩrẽ õãrĩ gapu gorawayumasĩbirikuma. Irasirirã Marĩpu yare gããmebiri waja, Marĩpu magũ Cristore buremumerã, ĩgũrẽ dupaturi curusague pábiatú wějẽrã irirosũ ããrĩrãkuma. Gajirãrẽ ĩgũrẽ masaka ĩũrõgue buridamakũ irirãkuma. ⁷ Āsũ ããrã. Marĩ, su pooema nikũ irirosũ ããrã. Õãrĩ nikũrẽ ãmuriku deko merẽmakũ, sibi ñajãnako. Irasiriro iri pooe opu otedea õãrõ puri dukakukoa. Irasirigu iri pooe opu dukare opakumi ĩgũ baaburire. Gajirã iri yebare õãrĩ dukakumakũ ĩãrã: “Marĩpu õãrõ dukakumakũ irikumi”, ãrĩkuma. Irasũta yãmi Marĩpu ĩgũyare pãrãrẽ. Gajirã ĩgũsã ĩgũyare õãrõ irimakũ ĩãrã: “Marĩpu ĩgũsãrẽ õãrõ iritamumi, irasirirã õãrõ yãma”, ãrĩrãkuma. ⁸ Iri pooeere pora, ñerĩ tá dita puri dukakumakũ, béokõãrõ gããmea. Irasũta yãmi Marĩpu ĩgũyare pãkererã irimerãrẽ. Perebiri peamegue béogukumi ĩgũsãrẽ wajamoãgũ.

Jesucristore buremurĩrẽ piriro marĩrõ marĩ ãmugasigue waaburire yũro gããmea, ãrĩ gojadea

⁹ Yu, Marĩpu ĩgũsãrẽ béoburire weregu, musãrẽ yu maĩrãrẽ: “ĩgũ béosũmurã ããrã”, ãrĩgũ meta yãa. Marĩpu musãrẽ Cristo merã taudi ããrĩmĩ, ĩgũyarã ããrĩburo, ãrĩgũ. Irasirirã musã õãrĩ yebague otedea õãrõ dukakurosũta õãrĩrẽ yãa. Irire yu masĩa. ¹⁰ Marĩpu diayema irigu ããrĩmĩ. Irasirigu ĩgũyare musã õãrõ iririre kãtibirikumi. Musã ĩgũrẽ maĩsĩa, gajirã ĩgũyarãrẽ iritamurĩdere kãtibirikumi. ¹¹ Yu, musã okaropa usuyari merã

gajirārē iritamunímakū gāāmea. Irasirirā Marīpū ĩgūyarārē: “Ōārīrē sīgura”, ārīdeare musā yúrire, purugue diayeta oparākoa. ¹² Irasirigū musā Marīpūyare téri merā iritayamakū gāāmebea. Gajirā Marīpū Jesucristo merā tauri kerere bñremurā ñerō tarikererā, Marīpūre: “Diayeta yure iritamugukumi”, ārī bñremuníkōāma. Ĩgūsā irasirimakū ĩāgū, Marīpū ĩgūyarārē: “Ōārīrē sīgura”, ārīdeare ĩgūsārē sīgukumi. Irasirirā musāde ĩgūsārē ĩākūĭ, ĩgūsā irirosūta iriníkōāka!

¹³⁻¹⁴ Iripoegue Marīpū Abrahārē āsū ārī pídi āārīmí: “Diayeta murē ōārīrē irigura yū ārīderosūta. Mū parāmerā āārīturiarārē wārā āārīmakū irigura”, ārī pídi āārīmí. Irasū ārī pígu, ĩgū wāĭ merā wāĭpeodi āārīmí. Gajigu ĩgū nemorō āārīgú neō marīmakū, ĩgū wāĭ merā wāĭpeodi āārīmí. ¹⁵ Abraham, Marīpū ĩgūrē ārī pídeare ōārō bñremurī merā yúdi āārīmí. Irasirigū Marīpū ĩgū ārīderosūta ĩgūrē ōārō iridi āārīmí. ¹⁶ Sugū masakū gajirā péuro: “Diayeta ārīgū yāa”, ārīgū, ĩgū nemorō āārīgūya wāĭ merā wāĭpeokumi. ĩgū irasū ārī wāĭpeomakū pérā: “Diayeta werekumi”, ārī, ĩgū merā neō guaseomasībirikuma. ¹⁷ Irasirigū Marīpū Abrahārē: “Diayeta murē ōārīrē irigura”, ārī pígu, ĩgū wāĭ merā wāĭpeodi āārīmí. Marī ĩgū irasū wāĭpeo were-deare pérā: “ĩgū ārīderosūta diayeta irigukumi”, ārī masīa. “ĩgū ārīdeare neō gorawayubirikumi”, ārī masīa. Irasirigū irire marīrē ōārō masīburo, ārīgū, Abrahārē ārī pídeare weregū, ĩgū wāĭ merā wāĭpeodi āārīmí. ¹⁸ Marīpū neō ārīkatobi āārīmí. Irasirigū ĩgū ārī pídea merā, ĩgū wāĭpeodea merā, ĩgū ārīdea neō

gorawayubiriburire marĩrẽ masĩmakũ iridi ããrĩmĩ. Marĩ irasirigũre masĩrã, marĩ ñerõ irideare piri, ãgũ marĩrẽ tauburire gũñaturari merã yúa. “Irasũta irigũkumi”, ãrĩ masĩa. ¹⁹ Irasirigũ Marĩpũ marĩrẽ ãgũ õãrõ iriburire yúrãrẽ ãmũgasigue ãgũ merã ããrĩmakũ irigũkumi. ãgũ turatarigũ ããrĩsĩa, irire diayeta irigũkumi. Irire õãrõ masĩa marĩ.

Ãsũ ããrã. Sugu paía opu Marĩpũ ããrĩrĩ taribu poekague ñajãgũ, iri taribu makãpuro kãmutari gasiro tariñajãmi. Irasũ ñajãgũ, masakaya ããrĩburire sërẽbosami Marĩpũre. ²⁰ Marĩpũ ããrĩrĩ taribugorague ñajãrõsũ Jesús ãmũgasigue Marĩpũ ããrĩrõgue ñajãdi ããrĩmĩ. Marĩ iroque ñajãburi dupiyuro ñajãsiadi ããrĩmĩ, paía opu nemorõ Marĩpũre marĩya ããrĩburire sërẽbosanĩkõãbu. Melquisedec paí ããrĩderosũta ããrĩnĩkõãgũkumi.

7

Melquisedec paí ããrĩderosũta Jesús ããrĩmĩ, ãrĩ gojadea

¹ Iripoegue Melquisedec wãĩkũgũ Salem* wãĩkuri makã marã opu ããrĩdi ããrĩmĩ. ãgũ paí ããrĩgũ, masakaya ããrĩburire Marĩpũre ããrĩpererãrẽ doregure sërẽbosagu ããrĩdi ããrĩmĩ. Abraham gajirã oparãrẽ wẽjẽ tarinũgãgũ ejadi goedujãamakũ, Melquisedec ãgũrẽ bokatĩrĩgũ waadi ããrĩmĩ. ãgũrẽ bokatĩrĩgũ, Marĩpũre: “Гуарũ, ãrẽ õãrõ irika!” ãrĩ sërẽbosadi ããrĩmĩ. ² Abraham gajirã oparãrẽ wẽjẽ tarinũgãsĩa, ãgũsãya ããrĩdeare ããdi ããrĩmĩ. Irasirigũ ãgũ ãideare pe mojõma

* **7:1** Salem wãĩkuri makã, Jerusal'eta ããrĩyuro.

buri dukawa pí, subu sídi ããrĩmĩ Melquisedere. “Melquisedec”, ãrĩrõ: “Opũ diayeta irigũ”, ãrĩduaro yáa. Īgũ Salem marārē doregũ ããrĩdi ããrĩmĩ. Īgũyarārē õārõ siñajārĩ merã ããrĩmakũ iridi ããrĩmĩ. Irasiriro: “Salem”, ãrĩrõ: “Siñajārĩ”, ãrĩduaro yáa. ³ Melquisedec pagũsãmarārē, Īgũ ñekũsãmarārē Īgũsã were gojatúdea neõ máa. Īgũ deyoadeare, Īgũ boadeare, Īgũrē gorawayubure were gojatúdea neõ máa. Irasirigũ Īgũ, Marĩpũ magũ Jesucristo paí ããrĩnkõãgũ irirosũ ããrĩdi ããrĩmĩ.

⁴ Irasirirã Melquisedere gũñaka! Ubu ããrĩgũ meta ããrĩdi ããrĩmĩ. Marĩ ñekũ Abraham marĩya bumũ ããrĩpũroridi ããrĩkeremakũ, Melquisedec, Abraham nemorõ ããrĩdi ããrĩmĩ. Irasirigũ Abraham Melquisedere, gajirã oparārē wējē tarinũgãsĩã, Īgũsãya ããrĩdea ãĩadeare pe mojõma buri dukawa pí, subu sídi ããrĩmĩ. ⁵ Āsũ ããrã. Moisés dorederosũta ããrĩpererã gajirã Israel bumarã Īgũsãyare, Levĩ parãmerã ããrĩturiarārē paía ããrĩrãrē keoro sĩma. Abraham Levĩya bumarã ñekũ ããrĩdi ããrĩmĩ. Īgũ ããrĩpererã gajirã Israel bumarã ñekũ ããrĩdi ããrĩmĩ. Īgũ, Īgũsã ñekũ ããrĩdi ããrĩkeremakũ, Īgũsã gapũ Moisés dorederosũta irirã, Levĩ parãmerã ããrĩturiarã ditare sĩma.

⁶ Melquisedec gapũ Levĩ parãmi ããrĩturiagũ ããrĩbiridi ããrĩmĩ. Abraham gapũ Marĩpũ: “Õārõ irigũra”, ãrĩ písũdi ããrĩkeregũ, Melquisedere sídi ããrĩmĩ. Irasirigũ Melquisedec Abrahãrē: “Marĩpũ mure õārõ iriburo”, ãrĩdi ããrĩmĩ. ⁷ Irasirirã marĩ ire masĩa. Melquisedec Abrahãrē: “Marĩpũ mure õārõ iriburo”, ãrĩgũ, Abraham nemorõ ããrĩdi ããrĩmĩ.

⁸ Gajire masĩa. Paía, marĩ watope ããrĩrã, marĩ

irirosũta masaka ããrĩma. Irasirirã boamurãta ããrĩma. Moisés dorederosũta irirãno, ĩgũsãyare pe mojõma buri oparire subu sĩma paĩare. Abraham Melquisedere sĩgũ, ããrĩnĩgũ irirosũ ããrĩgũrẽ sĩdi ããrĩmĩ. Marĩpũya werenĩrĩ gojadea pũgue Melquisedere: “Boakõãdi ããrĩmĩ”, ãrĩ gojadea neõ máa. ⁹⁻¹⁰ Masaka Moisés dorederosũta irirã, ĩgũsãyare pe mojõma buri oparire subu sĩma, Levĩ parãmerã ããrĩturiarãrẽ paĩare. Iripoegue Levĩ deyoaburi dupiyuro Melquisedec Abrahãrẽ bokatĩrĩgũ waadi ããrĩmĩ. ĩgũ bokatĩrĩmakũ, Abraham ĩgũ ãĩdeare pe mojõma buri dukawa pí, subu sĩdi ããrĩmĩ Melquisedere. Levĩ, Abraham parãmi ããrĩdi ããrĩmĩ. ĩgũ parãmerã ããrĩturiarãde Abraham parãmerãta ããrĩnerã ããrĩmã. Irasirirã, Abraham Melquisedere sĩdea merã ĩgũsãde ĩgũrẽ sĩnerã irirosũ ããrĩnerã ããrĩmã. Irasirigũ Melquisedec ĩgũsã nemorõ ããrĩdi ããrĩmĩ.

¹¹ Marĩpũ Israel bumarãrẽ ĩgũ dorerire pígu, Aarõn parãmerã ããrĩturiarã Levĩya bumarãrẽ: “Paĩa ããrĩma”, ãrĩ pídi ããrĩmĩ. Irasirirã ĩgũ dorederosũta paĩa waimurãrẽ wẽjẽ soepeo, Marĩpũre masakaya ããrĩburire sẽrẽbosanerã ããrĩmã. ĩgũsã irasiridea gapũ masakare Marĩpũ ĩũrõ õãrã waamakũ irimasĩbea. Irasirigũ Marĩpũ ĩgũsãrẽ gorawayubure Cristore iriudi ããrĩmĩ, paĩ ããrĩbure, marĩrẽ õãrã ããrĩmakũ iribure. Cristo gapũ Levĩya bumũ, Aarõn parãmi ããrĩturiagũ ããrĩbemi. Melquisedec ããrĩderosũta paĩ ããrĩmĩ. ¹² Irasirigũ Marĩpũ Cristore paĩare gorawayubure iriugũ, ĩgũ iripoegue doredeadere gorawayudi ããrĩmĩ. ¹³⁻¹⁴ Marĩpũ ĩgũ iripoegue dorederosũta Levĩya bumarã ditare paĩa

sóounadi ããrĩmĩ. Marĩ Opũ Jesucristo gapũ Israel bumũ ããrĩkeregũ, Levĩya bumũ meta ããrĩmĩ. Judáya bumũ ããrĩmĩ. Marĩpũ Moisére ãgũ dorerire pígu, neõ Judáya bumarârê: “Paía ããrĩrãkuma”, ãrĩbiridi ããrĩmĩ. Irire masĩa marĩ.

¹⁵ Irire masĩrã, idere õãrõ pémasĩa. Cristo, Marĩpũ paí sóodi, gajirã paíare gorawayugu, Melquisedec irirosũ ããrĩgũ ããrĩmĩ. ¹⁶ Marĩpũ iripoegue dorederosũta Levĩya bumarã dita paía ñajãunanerã ããrĩmã. Jesucristo gapũ Marĩpũ pídi gajirã paía irirosũ paí ñajãbiridi ããrĩmĩ. Marĩpũ turari merã ããrĩnĩgũ ããrĩsĩa, paí ñajãdi ããrĩmĩ. ¹⁷ Marĩpũ ãgũ werenĩrĩ gojadea pũgue ãgũ magũrê irire ãsũ ãrĩdi ããrĩmĩ:

Melquisedec paí ããrĩderosũta mũ ããrĩnĩkõãgũkoa, ãrĩdi ããrĩmĩ.✧

¹⁸ Marĩpũ Moisére doreri pípuroridea marĩrê Marĩpũ merã õãrõ ããrĩmakũ irimasĩbea. Irasirigu Marĩpũ iri dorerire bojepíkõãdi ããrĩmĩ. ¹⁹ Marĩpũ Moisére doreri pídea merã marĩ ãgũ ãũrõ õãrã neõ ããrĩmasĩbea. Irasirigu Marĩpũ Jesucristo merã marĩrê õãrã ããrĩmakũ iriburire pídi ããrĩmĩ. Irasirirã marĩ Cristore bũremurã, Marĩpũ pũroque ñajãrã irirosũ ãgũrê diayeta sêrẽmasĩa.

²⁰ Marĩpũ Cristore paí sóogu: “Yũ wãĩ merã mũrê wãĩpeo píã”, ãrĩdi ããrĩmĩ. ²¹ Gajirã paía gapũre ãgũ wãĩ merã wãĩpeo píbiridi ããrĩmĩ. Cristo gapũre wãĩpeo, paí pídi ããrĩmĩ. ãsũ ãrĩ weredi ããrĩmĩ Marĩpũ Cristore:

Yũ, mũ Opũ ããrã. Irasirigu yũ wãĩ merã mũrê wãĩpeogu, diayeta weregũra.

✧ 7:17 Sal 110.4

Irasirigũ neõ gorawayuro marĩrõ mure ãsũ ãrĩ werea: “Melquisedec paĩ ããrĩderosũta mu ããrĩnkõãgũkoa”, ãrĩdi ããrĩmĩ Marĩpu ĩgũ magũrẽ.*

²² Marĩpu irasũ ãrĩ weregũ, ĩgũ Jesucristo merã marĩrẽ õãrã ããrĩmakũ iriburire pídi ããrĩmĩ. Iri ĩgũ Moisére doreri pípuroridea nemorõ, marĩ õãrõ ããrĩburire pídea ããrã. ²³ ããrĩpurorinerã paía boamakũ, gajirã gorawayu ñajãnerã ããrĩmã doja. Irasirirã wãrã paía ñajãnerã ããrĩmã. ²⁴ Jesús gapũ irasũ ããrĩnkõãmi. Irasirirã ĩgũrẽ gorawayurã paía neõ máma. ²⁵ Irasirigũ Marĩpũre marĩya ããrĩburire sërëbosaníkõãmi. Marĩpũre masĩrãno, Jesúre buremurã ããrĩma. Irasirigũ ããrĩpererã marĩrẽ ĩgũrẽ buremurãrẽ taumasĩmi, Marĩpu merã õãrõ ããrĩnkõãburo, ãrĩgũ.

²⁶ Irasirigũ Jesús paía opu nemorõ, ããrĩpereri marĩya ããrĩburire keoro iritamugũ ããrĩmi. ĩgũrẽta marĩ bure gããmea. ĩgũ õãtarigũ, neõ ñerĩrẽ iribi, ñerĩ opabi ããrĩmi. Irasirigũ Marĩpu ĩgũrẽ ñerã watope ããrĩdire ãĩ, umugasigue ããrĩpererã gajirã nemorõ Opu pídi ããrĩmĩ. ²⁷ Gajirã paía oparã irirosũ ããrĩbemi. ĩgũsã gapũ umuriku waimurãrẽ wějẽ soepeo sërëbosama, Marĩpũre masaka ñerĩ iridea waja ĩgũsãrẽ wajamoãbirikõãburo, ãrĩrã. Paíade ĩgũsã ñerĩ iridea waja Marĩpu ĩũrõ ĩgũsã basi waimurãrẽ wějẽ soepeopurorima. Pũrũ gajirã ñerĩ ĩgũsã iridea waja waimurãrẽ wějẽ soepeobosama. Umuriku irasirinama. Jesús gapũ paía opu nemorõ ããrĩgũ, marĩ ñerĩ iridea waja waimurãrẽ wějẽ soepeobiridi ããrĩmĩ. Suñarõta marĩ ããrĩpererãrẽ

* 7:21 Sal 110.4

boabosadi ããrĩmĩ, marĩ ñerĩ iridea wajare taugu. ²⁸ Marĩpũ Moisere doreri pídea merã paía oparã sóosũma. Īgũsã irasũ sóosũkererã, õãrĩ ditare irimerã ããrĩma. Iri dorerire pídero pũũ, Marĩpũ ĩgũ magũ gapũre ĩgũ wãĩ merã wãĩpeo, paía opũ nemorõ sóodi ããrĩmĩ. Irasirigũ ĩgũrẽ sóogu, ĩgũ gããmerõsũta õãrĩ iripeogu ããrĩnimakũ iridi ããrĩmĩ.

8

Jesús maríya ããrĩburire Marĩpũre sêrêbosagu ããrĩmi, ãrĩ gojadea

¹ ããrĩpereri yũ musãrẽ wererire pérã, ire õãrõ pémasĩka! Jesucristo paía opũ nemorõ ããrĩgũ ãmũgasigue Marĩpũ turatarigũ diaye gapũ doami ĩgũrẽ maríya ããrĩburire sêrêbosabu. ² Ñmũgasigue marĩ Opũ iridea wii ĩgũya wiigora ããrã. Iri wii, masaka iridea wii meta ããrã. Irasirigũ Jesucristo irogue maríya ããrĩburire Marĩpũre sêrêbosagu, iri wiigueta sêrêbosami. ³ Marĩpũ i nikũ marã paía oparãrẽ sóogu, ĩgũ ĩũrõ waimũrãrẽ wêjẽ soepeomurãrẽ, gajino ĩgũrẽ sĩmurãrẽ sóomi. Irasirigũ Jesucristode ĩgũsã Marĩpũre gajino sĩrã irirosũ irigũ, ĩgũ basi marĩrẽ boabosadi ããrĩmĩ. ⁴ Jesucristo i nikũgue ããrĩgũ, paĩ ããrĩbiribukumi. Gajirã paía Moisés dorederosũta Marĩpũ ĩũrõ ĩgũrẽ gajinorẽ sĩrã ããrĩsiana. ⁵ I nikũ marã paía Marĩpũya wiigũ ĩgũ ĩũrõ moãma. Iri wii i nikũma wii ããrã. Marĩpũya wiigora ãmũgasigue ããrã. Irasiro Marĩpũya wii i nikũma wii, ãmũgasima wii keori ããrã. Moisés i nikũma wiire iriburo dupiyuro Marĩpũ ãsũ ãrĩdi ããrĩmĩ ĩgũrẽ: “Yũ mũrẽ ãtãũgue ĩmuderõsũta yaa wiire irigũkoa.

Y_H dorederosũta yaa wiire keoro irika!” ãrĩdi ããrĩmĩ. ⁶ Jesús gap_Hre: “Paía op_H nemorõ ããrã m_H”, ãrĩ pídi ããrĩmĩ. Irasiriro Jesús ùmugasigue paí moãrĩ, i nikũ marã paía moãrĩ nemorõ õãrĩ ããrã. Iripoegue Marĩp_H masakare: “Moisére y_H doreri pídeare iripeorãrẽ õãrõ irigura”, ãrĩ werepídi ããrĩmĩ. P_Hr_H Jesucristore iriug_H: “Ígũrẽ b_Hremurãrẽ y_H merã õãrã ããrĩmakũ irigura”, ãrĩ werepídi ããrĩmĩ. Irasiriro Ígũ iripoegue werepídea nemorõ õãrĩ ããrã. Irasirig_H Jesucristo Marĩp_H merã marĩ õãrõ ããrĩburire ãmubosag_H ããrĩsĩã, paía op_H nemorõ ããrĩmĩ.

⁷ Moisére Marĩp_H doreri pídea, marĩrẽ Marĩp_H merã õãrõ ããrĩmakũ iribiridero ããrĩb_H. Iri doreri marĩrẽ õãrõ irimakũ tamerãrẽ Marĩp_H dupaturi gaji werepíbiribodi ããrĩmĩ. ⁸Ígũyarã, Israel bumarã Ígũ doredeare iribiri waja Ígũsãrẽ ãsũ ãrĩdi ããrĩmĩ Ígũya werenĩrĩ gojadea pũgue:

Y_H m_Hsã Op_H, ãsũ ãrã: “Õãrõ péka! M_Hsã Israel bumarãrẽ, Judáya bumarãdere p_Hr_Hugere gaji maama werepíg_Hkoa.

⁹ Iri, y_H m_Hsã ñekũsãmarãrẽ iripoegue werepídea irirosũ neõ ããrĩbirikoa. Y_H basi Ígũsãrẽ Egipto nikũgue ããrĩrãrẽ õãrõ koreri merã wiub_H. Wiu: ‘Y_H dorerire irimakũ, m_Hsãrẽ õãrõ irigura’, ãrĩ werepíb_H. Y_H irasũ ãrĩdeare Ígũsã gap_H tarinugãma. Ígũsã tarinugãrĩ waja Ígũsãrẽ béob_H, Ígũsã gããmerõ iriburo, ãrĩgũ.

¹⁰ Irasirig_H p_Hr_Hugere Israel bumarãrẽ ãsũ ãrĩ wereg_Hra: Y_H dorerire Ígũsãrẽ gũña pémasĩmakũ irig_Hkoa. Y_H dorerire Ígũsãrẽ

iridumamakū irigukoa. Irasirigu yu, ĩgūsā Opu
 āārīgukoa. ĩgūsā, yaarā yu ditare buremurā
 āārīrākuma.

- 11 Neō sugu ĩgūyarārē ĩgū merāmarārē, ĩgū
 pagupūrārē: ‘Marī Opure masika mūsā!’ ārī
 buebirikuma. Āārīpererā yure masīrākuma.
 Majīrā, irasū āārīmakū mūrā yure masīrā
 dita āārīrākuma.
- 12 Irasirigu ĩgūsā ñerī irideare kātigukoa. ĩgūsā
 ñerī irideare neō gūñanemobirikoa. ĩgūsārē
 wajamoābirikoa”, ārīdi āārīmī Marīpu Israel
 bumarārē.✧
- 13 Irasū ārī weregu, maama werepīri merā
 iripoegue ĩgū masakare werepīrorideare
 peremakū iridi āārīmī. Gajino bugure
 béo gorawayurosū, maama merā ĩgū
 werepīrorideare gorawayudi āārīmī.

9

Marīpure buremurī wiimarē gojadea

1 Iripoegue Marīpu Moisére ĩgū dorerire
 pīpurorigu, masaka ĩgūrē buremuburidere pīdi
 āārīmī. Irasirigu ĩgūsārē ĩgūrē buremuburi wii i
 nikūma wiire iridoredi āārīmī. 2 Iri wii waimūrā
 gasiri merā ĩgūsā iridea wii, pe taribu opari
 wii āārīdero āārībú. Ñajānugāpuroriri taribu
 Marīpuya taribu wāikūdero āārībú. Iri taribure
 sīāgori yukū peodi, irasū āārīmakū baari peyaro
 āārīdero āārībú. Iri peyaro weka Marīpu ĩūrō pā
 duparu peyadero āārībú. 3 Iri taribu korema
 taribu surīro gasiro merā kāmutedea taribu

✧ 8:12 Jer 31.31-34

ããrĩdero ããrĩbú. Iri taribu Marĩpũ ããrĩrĩ taribugora wãikũdero ããrĩbú. ⁴ Iri taribugue ñajãrõ pũro sũrõrĩ soemurõ oro merã iridero ããrĩdero ããrĩbú. Iri taribu poekague oro merã õmabiadea kũma, Marĩpũ ãgũ doreri gojadea ùtã majĩrĩ opari kũma ããrĩdero ããrĩbú. Gaji soro oro merã iridea soro Marĩpũ masakare ejodea maná wãikũri poga oparisoro, irasũ ããrĩmakũ Aarõyagu tuadi ñasãtuadi iri kũmague ããrĩdero ããrĩbú. ⁵ Marĩpũ iri kũma bũhari majĩ weka pẽrã ãgũrẽ wereboerã kẽdupũrikũrã keori weadea merã ãgũ iri taribugue ããrĩrĩrẽ ãmudi ããrĩmĩ. ãgũsãya kẽdupũri merã iri kũma bũhari majĩrẽ sẽẽ kãmutadero ããrĩbú. Iri bũhari majĩ, Marĩpũ masakare: “ãgũsã ñerõ iridea waja wajamoãbirikoa”, ãrĩdeare keori ããrĩdero ããrĩbú. Dapagorare ããrĩpereri iri wiimarẽ werenemomasĩbirikoa.

⁶ Iri wiimarẽ ãmu ododero pũrũ, ùmũrikũ paía ããrĩpũroriri taribure ñajãunanerã ããrĩmã Marĩpũ ãũrõ ãgũsã moãrĩrẽ irirã. ⁷ Paía opũ dita gaji taribuguerẽ ñajãunadi ããrĩmĩ. Bojorikũ iri taribuguerẽ suñarõta waimũrã díre ãi ñajãunadi ããrĩmĩ. Dí marĩrõ neõ ñajãbiridi ããrĩmĩ. ãgũ basi ñerĩ iridea waja, irasũ ããrĩmakũ masaka ãgũsã masĩña marĩrõ ñerõ iridea waja iri díre ãi ñajãdi ããrĩmĩ, Marĩpũre: “Wajamoãbirikõãka gũare! Gũa ñerõ irideare kãtika!” ãrĩ sërẽgũ. ⁸ I ããrĩpereri merã Õãgũ deyomarĩgũ marĩrẽ ire pẽmasĩmakũ yãmi. Iri wii ããrĩdeapoe masaka Marĩpũre bũremurã, ãgũ ããrĩrĩ taribugue ñajãbirinerã ããrĩmã. ⁹ I ããrĩpereri Marĩpũ ãgũrẽ bũremurĩ wiimarẽ pídeare marĩ buesĩã: “Dapagoraguerẽ marĩ ãgũrẽ bũremurĩ

āsũ ārĩduaro yáa”, ārĩ pémasĩa. Iro dupiyuro paía gajino Marĩpũre sĩrĩ, waimũrãrẽ wějẽ soepeori, masakare: “Marĩpũ iũrõ waja opamerã āārã gũa”, neõ ārĩ masĩmakũ iribiridero āārĩbũ. ¹⁰ Āsũ āārã. Marĩpũ Moisére doreri pídea ĩgũ masakare baadoreri, iirídoreri, ĩgũ iũrõ koedoreri dita āārã. ĩgũsāya yũjũpũrārĩma āārĩbea. Irasiriro iri doreri marĩrẽ õārã waamakũ iribea. Marĩpũ iri dorerire masaka ĩgũsã iriburire pídi āārĩmĩ. Irire Jesucristo merã gorawayuburo dupiyuro pídi āārĩmĩ.

¹¹ Cristo gapũ paía opũ nemorõ āārĩgũ aarisiadi āārĩmĩ. Irasirigũ ĩgũ boadea merã marĩrẽ õārõ iridi āārĩmĩ. Marĩpũ iũrõ marĩ ñerĩ iridea wajare peredoregũ, Marĩpũ āārĩrõgue ũmũgasima wiigue ñajãdi āārĩmĩ. I nikũma wiire ñajãbiridi āārĩmĩ. Ũmũgasima wii, i nikũma wii nemorõ õatariri wii, masaka iridea wii meta āārã. ¹² Irasirigũ Cristo, Marĩpũ āārĩrõgue ũmũgasima wiigue suñarõta ñajãdi āārĩmĩ. Iroque ñajãgũ, paía oparã i nikũma wiigue Marĩpũ āārĩrĩ taribuguere cabraya díre, wekũa majĩrãya díre āĩ ñajãderosũ āĩ ñajãbiridi āārĩmĩ. ĩgũ basi marĩ ñerĩ iridea waja boagũ, ĩgũya dí merã Marĩpũ āārĩrõgue ñajãdi āārĩmĩ, marĩrẽ Marĩpũ merã õārõ āārĩnikõāburo, ārĩgũ. ¹³ Paía oparã cabraya, wekũaya dí merã, wekũgo majĩgõrẽ ĩgũsã soedea nitĩ merã masakare ĩgũsã ñerĩ iridea waja Marĩpũya wiigue ñajãmasĩmerãrẽ wẽsiripeoma. ĩgũsãrẽ wẽsiripeomakũ, Marĩpũ iũrõ ñerĩrẽ opamerã duja, Marĩpũya wiigue dupaturi ñajãmasĩma doja. ¹⁴ Paía oparã wekũaya dí merã, cabraya dí merã masakare iritamuma. Cristo gapũ ĩgũsã nemorõ ĩgũya dí merã marĩrẽ

õãrõ iritamutarigũ yámi. Ìgũ ñerĩ marĩgũ, Õãgũ deyomarĩgũ ããrĩnĩgũ iritamurĩ merã ìgũ basi Marĩpũre wiadi ããrĩmĩ curusague boabu. Paía waimurã Marĩpũre wia, ìgũ ìurõrẽ soepeorosũ ìgũ basi irasũ wiadi ããrĩmĩ. Irasirigũ marĩrẽ Marĩpũ merã neõ õãrõ ããrĩbonerãrẽ taudi ããrĩmĩ, Marĩpũ okanĩgũ dorerire õãrõ irimasĩburo, ãrĩgũ. Irasirigũ marĩ gũñarĩgue: “Marĩpũ gũare wajamoãgũkumi gũa ñerõ iridea waja”, ãrĩ gũñarikũnemobirimakũ iridi ããrĩmĩ.

¹⁵ Irasirigũ Jesucristo, Marĩpũ ìgũ beyenerãrẽ maama werepíderosũta iridi ããrĩmĩ marĩrẽ taubu. Marĩrẽ taugũ, Marĩpũyarã ìgũ merã õãrõ ããrĩnĩmakũ iridi ããrĩmĩ. Irasirirã Marĩpũ ìgũyarãrẽ sĩburire oparãkoa. Moisés doreri dita ããrĩmakũ, marĩ ñerĩ iridea waja, waja oparã dita ããrĩbukoa dapa. Cristo marĩrẽ curusague boabosadi ããrĩmĩ, marĩ ñerĩ iridea waja, waja opabonerãrẽ taubu. ¹⁶⁻¹⁷ Æsũ ããrã. Sugũ masakũ ìgũ boaburo dupiyuro ìgũyarãrẽ: “Yũ opari mũsãrẽ dujarokoa”, ãrĩkumi. Irasirigũ ìgũ boaburo dupiyuro sĩbirikumi dapa. Ìgũ boadero purũ, ìgũyarãrẽ: “Mũsãrẽ dujarokoa”, ãrĩderosũta ìgũ opadeare ãikuma.

¹⁸ Irasiriro Marĩpũ masakare: “Æsũ irigũra”, ãrĩ werepĩpuroridea, waimurãrẽ wẽjẽ, ìgũsãya dí béoro marĩrõ wajamarĩdero ããrĩbũ. Waimurãrẽ wẽjẽ, ìgũsãya díre béodero purũ, Marĩpũ dorerire diayeta irinerã ããrĩmã. ¹⁹ Irasirigũ Moisés, Marĩpũ ìgũ doreri pídeare masakare werepeodi ããrĩmĩ. Purũ cabraya díre, wekũa majĩrãya díre deko merã morẽdi ããrĩmĩ. Morẽ odo, hisopo wãĩkudi dupũ merã oveja poarire diari merã ñimudea merã

tūrādi āārīmí. Iri d̄uṛu merā díre yosa, Marĩṛu dorerire ĩḡu gojadea pũ weka, āārĩpererā masaka wekadere wēāsiripeodi āārīmí. ²⁰ P̄uṛu ĩḡūsārē āsũ ārĩdi āārīmí: “Marĩṛu marĩrē ĩḡu doreri pídea, i dí merā diaye āārĩmakũ masĩa. I díre ĩārā, diayeta ĩḡu ārĩderosũta ĩḡu marĩrē iriburire masĩa. Irasirigũ Marĩṛu: ‘Ȳu dorerire õārõ irika!’ ārĩmi”, ārĩdi āārīmí Moisés. ²¹ P̄uṛu masakare ĩḡu iriderosũta Marĩṛure b̄uremurĩ wii wiamurā gasiri merā ĩḡusā iridea wiire, āārĩpereri iri wiigue āārĩrdere wēāsiripeodi āārīmí. ²² Āsũ āārā. ĩḡu dorederosũta Marĩṛure b̄uremurĩ wiimarē dí merā wēāsirimakũ, Marĩṛu irire: “Ȳu ĩūrõ õārĩ āārā”, ārĩ ĩādi āārīmí. Irasũ wēāsiribirimakũ: “Õārĩ āārā”, ārĩ ĩābiribodi āārīmí. Irasirigũ dí béoro marĩrõ, marĩ ñerĩ iridea wajare marĩrē kātimasĩbirikumi.

Jesucristo, ĩḡu boari merā marĩ ñerõ iridea wajare taudi āārīmí, ārĩ gojadea

²³ Irasirirā i nikũma wiire, iri wiigue āārĩrdere paía: “Marĩṛu ĩūrõ õārĩ āārā”, ārĩrā, waimurā dí merā wēāsiripeonerā āārĩmá. I nikũma wii, ãmugasima wii keori dita āārĩdero āārĩbũ. Irasiriro ãmugasima wiire, iri wiigue āārĩrdere: “Marĩṛu ĩūrõ õārĩ dita āārā”, ārĩ, waimurā dí nemorõ Cristoya dí merā wēāsiripeoro gāāmea. ²⁴ Irasirigũ Cristo marĩya āārĩburire Marĩṛure s̄erēbosagũ, Marĩṛure b̄uremurĩ wii masaka iridea wiire ñajābiridi āārīmí. Iri wii, ãmugasima wii keori āārĩdero āārĩbũ. Marĩṛuya wiigora ãmugasigue āārā. Irasirigũ Cristo ãmugasima wiigue ñajādi āārīmí, Marĩṛu ĩūrõ marĩya āārĩburire s̄erēbosabu.

25 Bojorikꝯ sugꝯ paía opꝯ i nikūma wiigwe, Marĩꝯ ããĩĩĩ taribugwe waimꝯã dí merã ñajãnadi ããĩĩĩ. Cristo gapꝯ marĩĩ boabosagꝯ, suñarõta ãmꝯgasima wiigwe, Marĩꝯ ããĩĩĩõgwe Ìgũya dí merã ñajãdi ããĩĩĩ. 26 Paía opꝯ dí merã ñajãnaderosũ irigꝯ, i ãmꝯ ããĩĩĩõgãdeapoegweta boa, masãdi tamerã irasũta boa, masãnikõãbodi ããĩĩĩ. Suñarõta i ãmꝯ pererĩnꝯ ejaburi dupiyuro i nikũguere deyoadi ããĩĩĩ, Ìgũ suñarõta boari merã marĩ ããĩĩĩpererã ñerĩ iridea wajare béobu. 27 ããĩĩĩpererã marĩde suñarõta boarãkoa. Marĩ boadero ꝯꝯꝯ, Marĩꝯ Ìgũ Ìũrõrẽ marĩĩĩ nídoregꝯkumi Ìgũrẽ bũremurãrẽ õãrõ iri, Ìgũrẽ bũremubirinerãrẽ wajamoãbu. 28 Marĩ suñarõta boarosũ, Cristode suñarõta boadi ããĩĩĩ. Irasirigꝯ Ìgũ boari merã wãrã masaka ñerõ iridea wajare béobosadi ããĩĩĩ. Irasiri odo, ãmꝯgasigwe mũĩã, ꝯꝯꝯ i nikũgwe dupaturi aarigꝯkumi doja. Irasũ aarigũ, masaka ñerõ iridea wajare béogꝯ aarigũ meta irigꝯkumi. Ìgũrẽ ɯɯyari merã yũrãrẽ taugꝯ aarigꝯkumi, ãmꝯgasigwe Ìgũ merã ããĩĩĩburo, ãrĩgũ.

10

1 Marĩꝯ Moisére Ìgũ doreri pídea, ꝯꝯꝯgwe Ìgũ Cristo merã masakare õãrõ iriburi keori ãita ããĩĩĩdero ããĩĩĩbũ. Cristo masaka ñerĩ iridea wajare béodi ããĩĩĩ. Marĩꝯ Moisére doreri pídea gapꝯ Ìgũsã ñerĩ iridea wajare béomakũ irimasĩbiridero ããĩĩĩbũ. Irasiro iri dorederosũta paía bojorikꝯ Marĩꝯ Ìũrõ waimꝯãrẽ wẽjẽ soepeerire irinakeremakũ, masaka ñerĩ iridea wajare béomakũ irimasĩbiridero ããĩĩĩbũ. Ìgũsãrẽ Marĩꝯ Ìũrõ õãrã ããĩĩĩmakũ irimasĩbiridero ããĩĩĩbũ.

² Iri doreri masakare õārã ãārĩmakũ irimasĩmakũ, suñarõta waimurã wẽjẽ soepeori merãta ãgũsã ñerĩ iridea wajare béosũbonerã ãārĩmá. “Waja opamerã ãārã”, ãrĩ gũñabonerã ãārĩmá. Irasirirã, Marĩpũ iũrõ ãgũsã waimurã wẽjẽ soepeorire pirikõãbonerã ãārĩmá. ³ Æsũ gapũ ãārĩdero ãārĩbũ. Marĩpũ, bojorikũ ãgũsã waimurãrẽ wẽjẽ soepeodea merã ãgũsã ñerõ irideare gũñamakũ iridi ãārĩmĩ. ⁴ Irasirirã wekũaya dí, cabraya dí merã marĩ ñerĩ iridea wajare neõ béomasĩbea.

⁵ Irasirigũ Cristo i nikũguere aariburo dupiyuro ãgũ Pagũre ãsũ ãrĩdi ãārĩmĩ:

Mũ iũrõ ãgũsã waimurãrẽ wẽjẽ soepeorire, gajino ãgũsã murẽ sĩrĩdere gããmebea. Irasirigũ yũre dupũkũgũ deyoamakũ irigũkoa, ãgũsã ñerõ iridea waja ãgũsãrẽ boabosadoregũ.

⁶ Masaka ãgũsã ñerõ irideare kãtidoreduarã, mũ iũrõ ãgũsã waimurãrẽ wẽjẽ soepeorire, gajino ãgũsã murẽ sĩrĩdere usũyari merã ããbea.

⁷ Irasirigũ yũ ãsũ ãrĩbũ: “Mũ, yũ Opũ ãārã. Irasirigũ mũya werenĩrĩ gojadea pũgue gojaderosũta mũ gããmerĩrẽ irigũ waagura”, ãrĩdi ãārĩmĩ Cristo ãgũ Pagũre.✧

⁸ Irire ãrĩgũ, ire ãrĩpũroridi ãārĩmĩ Marĩpũre: “Mũ iũrõ ãgũsã waimurãrẽ wẽjẽ soepeorire, gajino ãgũsã murẽ sĩrĩdere gããmebea. ãgũsã irasũ iririre usũyari merã ããbea”, ãrĩdi ãārĩmĩ Marĩpũ dorederosũ ãgũsã irikeremakũ. ⁹ Pũrũ ãsũ ãrĩnmodi ãārĩmĩ: “Mũ, yũ Opũ ãārã. Irasirigũ mũ gããmerĩrẽ irigũ waagura”, ãrĩdi ãārĩmĩ. Irasirigũ Marĩpũ ãgũ masakare waimurãrẽ wẽjẽ soepeodoredere béodi ãārĩmĩ.

✧ 10:7 Sal 40.6-8

Irire béogũ: “Cristo boari merã gapũ masakare ãgũsã ñerĩ iridea wajare taugũra”, ãrĩ werepĩdi ããrĩmĩ. ¹⁰ Jesucristo, Marĩpũ gããmederosũta ãgũ basita Marĩpũre wiadi ããrĩmĩ, marĩ ããrĩpererãrẽ suñarõta boabosagũ. Irasirigũ ãgũ boari merã Marĩpũ marĩrẽ ãgũyarã õãrã, waja opamerã ããrĩmakũ iridi ããrĩmĩ.

¹¹ ããrĩpererĩ Marĩpũ ãũrõ judío masaka paía waimũrãrẽ wẽjẽ soepeonĩkõãma. Irasirikeremakũ, marĩ ñerĩ iridea wajare neõ béomakũ irimasĩbea.

¹² Jesucristo gapũ suñarõta marĩrẽ boabosadi ããrĩmĩ, marĩ ñerĩ iridea wajare béobu. Irire irasiri odo, ãmũgasigue Marĩpũ diaye gapũ doadi ããrĩmĩ marĩ Opũ ããrĩgũ.

¹³ Iroguere doagũ, ãgũrẽ ããturĩrãrẽ Marĩpũ tarinũgãbosaburire yũgũ yámi.

¹⁴ ãgũta suñarõta boari merã ãgũyarãrẽ õãrã, waja opamerã ããrĩnĩmakũ iridi ããrĩmĩ.

¹⁵ Jesucristo irasũ irideare Õãgũ deyomarĩgũ marĩrẽ: “Irasũta ããrã”, ãrĩ masĩmakũ yámi. ãsũ ãrĩ weredi ããrĩmĩ:

¹⁶ Mũsã Opũ ãsũ ãrĩmĩ: “Pũrũguere yaarãrẽ ãsũ ãrĩ weregũra: ‘Yũ dorerire ãgũsãrẽ iridũamakũ irigũkoa. Yũ dorerire gũña pémasĩmakũ irigũkoa’ ”.✠

¹⁷ Idere ãrĩnemomi: “ãgũsã ñerõ irideare dupaturi neõ gũñanemobirikoa”, ãrĩmĩ, ãrĩ weredi ããrĩmĩ Õãgũ deyomarĩgũ.✠

¹⁸ Irasirĩrã marĩ ñerĩ irideare Marĩpũ kãtisũnerã ããrã. Dupaturi marĩ ñerĩ iridea wajare waimũrã wẽjẽ soepeorire gããmenemobea.

✠ 10:16 Jer 31.33 ✠ 10:17 Jer 31.34

Marĩpũ ããrĩrõgue ñajãrã irirosũ marĩya ããrĩburire ãgũrẽ sërẽrõ gããmea, ãrĩ gojadea

19 Irasirirã dapagorare marĩ ãmũgasigue Marĩpũya wiigue ãgũ ããrĩrĩ taribugorague ñajãrã irirosũ gũiro marĩrõ ãgũrẽ diaye sërẽmasĩa. Jesucristo marĩrẽ boabosagũ dí béodea merã irasirimasĩa. 20 Jesucristo boaburi dupiyuro Marĩpũ ããrĩrĩ taribugoraguere paía opũ dita iri taribu makãpũro kãmutari gasirore tariñajãdi ããrĩmĩ, masakaya ããrĩburire Marĩpũre sërẽbosabu. Jesucristo gapũ ãgũ boadea merã Marĩpũ merã marĩ õãrõ ããrĩrĩrẽ kãmutadeare béodi ããrĩmĩ. Irasirirã dapagorare marĩ Jesucristo marĩrẽ boabosadea merã Marĩpũ ããrĩrõguere ñajãrã irirosũ marĩya ããrĩburire Marĩpũre diaye sërẽmasĩa.

21 Jesucristo paía opũ nemorõ paí ããrĩgũ Marĩpũ ããrĩrõgue marĩya ããrĩburire sërẽbosagũ ããrĩmĩ. Irogue ãgũ marĩrẽ Marĩpũyarãrẽ õãrõ doregũ ããrĩmĩ. 22 Irasirirã diaye gũñarĩ merã, bũremurĩrẽ neõ piriro marĩrõ merã Marĩpũ ããrĩrõgue ñajãrã irirosũ marĩ ãgũrẽ diaye sërẽrõ gããmea. Cristo ãgũ boadea merã marĩrẽ waja opamerã ããrĩmakũ iridi ããrĩmĩ: “Ñerĩ iridea waja, waja oparã ããrã gũ”, ãrĩ neõ gũñarikũnemobirikõãburo, ãrĩgũ. Irasirirã gurari marĩrĩ deko merã marĩya dupũre túkoenerã irirosũ Marĩpũ iũrõ õãrã ããrã. 23 Marĩpũ marĩrẽ: “Taugũra”, ãrĩderosũta irigũkumi. Irasirirã marĩrẽ ãgũ ãrĩdeare bũremupũroriderosũta piriro marĩrõ õãrõ ãsũyari merã bũremuwãgãnikõãrã! 24 Gajirã Jesúre bũremurãdere gũñarã! Irasirirã gãme iritamurã! Gãme maĩrĩ merã õãrõ irirã! 25 Piriro marĩrõ merã Marĩpũyare nerẽ buerã! Surãyeri marĩ merã nerẽ buemerã irirosũ iribirikõãrã!

Marĩ Opũ i nikũguere dupaturi aariburo mérõ ðuyáa. Irasirirã irire masĩrã, gãme iritamurõ gãamea ĩgũrẽ bũremunemomurã.

²⁶ Marĩpũ marĩrẽ Jesúya kerere: “Diayeta ããrã”, ãrĩ masĩmakũ iridero pũrũ, marĩ ñerĩ iridũarire piriro marĩrõ iriwãgãnikõãrã, marĩ ñerõ iridea waja Jesucristo ĩgũ boadea merã marĩrẽ taudeare béobukoa. Irire béomakũ, dupaturi ĩgũ marĩrẽ boabosari neõ máa. ²⁷ Marĩ ĩgũ taudeare béomakũ ĩãgũ, Marĩpũ ããrĩpererã ĩgũrẽ ĩãturirãrẽ bũro wajamoãgũ, marĩdere ĩgũsã merã perebiri peamegue béogũkumi. Irasirirã marĩrẽ gajirã ĩgũyare béonerã merã ĩgũ wajamoãburire bũro gũiri merã ããrĩbukoa. ²⁸ Iripoegue marã Moisés dorerire tarinũgãgũrẽ wajamoãnerã ããrĩmá. ĩgũ ñerõ irideare pẽrã, o urerã ĩã, ĩgũrẽ weresãdero pũrũ, Marĩpũ dorederosũta neõ bopoñarĩ merã ĩãrõ marĩrõ ĩgũrẽ wẽjẽnerã ããrĩmá. ²⁹ ¿Naásũ gũñarĩ mũsã? ĩgũrẽ wajamoãdero nemorõ Marĩpũ magũrẽ ĩãturigũnorẽ bũro wajamoãgũkumi. ĩgũ magũya dí béodea merã Marĩpũ marĩrẽ: “Õãrã, waja opamerã ããrĩma”, ãrĩ ĩãdi ããrĩmĩ. Iripoegue irire werepidi ããrĩmĩ. Irasirigũ Jesucristoya dí béodeare: “Wajamáa”, ãrĩrãrẽ, Õãgũ deyomarĩgũrẽ Marĩpũ marĩrẽ maĩrĩrẽ masĩmakũ irigũre ñerõ werenĩrãrẽ bũro wajamoãgũkumi. ³⁰ Marĩ Opũ ãrĩdeare masĩa marĩ. Ásũ ãrĩdi ããrĩmĩ: “Yũ ããrã, waja oparãrẽ wajamoãbu. ĩgũsã ñerĩ iridea waja ĩgũsãrẽ wajamoãgũra”, ãrĩdi ããrĩmĩ. Ásũ ãrĩnemodi ããrĩmĩ doja: “Yarã iririre ĩãgũ, ĩgũsãrẽ diayemarẽ irigũra”, ãrĩdi ããrĩmĩ. ³¹ Marĩpũ okanĩgũ masakare

wajamoãrĩ buro goeri ããrã.

³² Mũsã iripogue ããrĩdeare gũñaka! Marĩpu mũsãrẽ Jesucristoya kerere masĩngãmakũ iridero puru, gajirã mũsãrẽ ñerõ tarimakũ irinerã ããrĩmã. Irasirikeremakũ, mũsã gapu ãgũrẽ buremurĩrẽ neõ piribirinerã ããrĩbũ. ³³ Masaka ãũrõ gajirã surãyeri mũsãrẽ ñerõ werení, ñerõ iribiranerã ããrĩmã. Gajipoe mũsã merãmarãrẽ gajirã ñerõ iribiramakũ ããrã, ãgũsãrẽ béobiri, mũsãde ãgũsã merã ñerõ iribirasũnerã ããrĩbũ. ³⁴ Surãyeri mũsã merãmarã peresugue ããrĩmakũ ããrã, bopoñarĩ merã ãã, ãgũsãrẽ iritamunerã ããrĩbũ. Gajirã mũsãyare ãmakeremakũ, mũsãyari merã: “Õãrokoa”, ãrĩnerã ããrĩbũ. I nikũma nemorõ õãrĩ perebiriburire ãmagasiguere mũsã opaburire masĩnerã ããrĩbũ. Irasirirã mũsã oparire ãgũsã ãmamakũ, bujawerebirinerã ããrĩbũ. ³⁵ Irasirirã Jesucristore gũñaturaníkõãka! ãgũrẽ buremurĩrẽ neõ piribirikõãka! ãgũrẽ buremurã, wãri õãrĩrẽ wajatarãkoa. ³⁶ Mũsãrẽ õãrõ gũñaturari merã Marĩpu gããmerĩrẽ iriníkõãrõ gããmea. Irasirirã, ãgũ: “Õãrĩrẽ sũgura”, ãrĩdeare oparãkoa. ³⁷ Marĩpu ãsũ ãrĩdi ããrĩmĩ ãgũya werenĩrĩ gojadea pũgue:

Mérõ dũyãa yu iriudi i ãmũguere dupaturi aariburo. Yooboro marĩrõ ejaɣukumi.

³⁸ ãgũrẽ buremurãrẽ: “Õãrõ irirã, yaarã ããrĩma”, ãrĩ ãã. Yu merã ããrĩníkõãrãkuma. ãgũrẽ buremurĩrẽ pirirã gapure suyubirikoa, ãrĩdi ããrĩmĩ Marĩpu.✧

³⁹ Marĩ gapu ãgũrẽ buremurĩrẽ pirirã irirosũ ããrĩbea. Irasirirã perebiri peamegue waamurã

✧ 10:38 Hab 2.3-4

ãārĩbea. Marĩ Jesucristore b̄remua. Irasirirã ĩgũ taunerã, ĩgũ p̄ro waamurã ãārã.

11

Marĩp̄re b̄remurĩmarẽ gojadea

¹ Marĩp̄re b̄remurã: “Īgũ marĩrẽ: ‘Ōārĩrẽ s̄gura’, ãrĩdeare diayeta s̄gukumi”, ãrĩ b̄remua. Irire ĩãbirikererã, ĩrã irirosũ: “Diayeta ãārã, ĩgũ ãrĩdeare oparãkoa”, ãrĩ b̄remua. ² Iripoeguere marĩ ñekũsãmarã ĩgũrẽ b̄remumakũ, ĩgũsãrẽ: “Ōārã ãārĩma”, ãrĩ ĩãdi ãārĩmĩ.

³ Marĩp̄re b̄remurĩ merã: “Īgũ werenĩrĩ merã i ãm̄ma ãārĩpereri ãārĩmakũ iridi ãārĩmĩ. Irasirigũ iro dupiyuro neõ marĩdeare i ãm̄marẽ ãārĩpereri marĩ dapagora ĩrĩrẽ iridi ãārĩmĩ”, ãrĩ masĩa.

⁴ Iripoeguem̄ Abel Marĩp̄re b̄remusĩã, ĩgũ ĩũrõ oveja majĩgũrẽ wẽjẽ soepeogũ, ĩgũ t̄gũ Caĩn s̄dea nemorõ s̄di ãārĩmĩ. Marĩp̄, Abel ĩgũrẽ b̄remurĩrẽ ĩãgũ, ĩgũ s̄deare: “Ōãgorãã”, ãrĩdi ãārĩmĩ. Irasirigũ ĩgũrẽ: “Ōãgũ ãārĩmĩ”, ãrĩ ĩãdi ãārĩmĩ. Abel iripoegue boadi ãārĩkeremakũ, ĩgũ Marĩp̄re b̄remurĩ merã irideare marĩde gũñãã. Irasirirã ĩgũ b̄remuderosũta marĩdere Marĩp̄re b̄remurõ gããmea.

⁵ Enoc Marĩp̄re b̄remusĩã, boabiridi ãārĩmĩ. Īgũ boabirikeremakũ, Marĩp̄ ĩgũrẽ ãĩm̄rĩãkõãdi ãārĩmĩ. Masaka ĩgũrẽ ãmakererã, neõ bokabirinerã ãārĩmã. Marĩp̄ya werenĩrĩ gojadea p̄gue ãsũ ãrĩ gojasũdero ãārĩbũ: “Marĩp̄ Enorẽ ãĩm̄rĩaburi dupiyuro ãs̄yari merã ĩãdi ãārĩmĩ”. ⁶ Marĩp̄re marĩ b̄remumerã ĩgũrẽ ãs̄yamakũ irimasĩbea. Īgũrẽ s̄rẽgũno: “Diayeta ĩgũ Marĩp̄gora ãārĩmĩ”,

ãrĩ gũñarõ gããmea. “Marĩ ãgũrẽ bũremurĩ merã sërẽrĩrẽ õãrõ pémi”, ãrĩ gũñarõ gããmea. Marĩ irire gũñamerã ãgũrẽ sërẽmasĩbea.

⁷ Noé Marĩpũre bũremusĩã, Marĩpũ ãgũrẽ: “Mũ neõ ããbiridea merã i nikũ marãrẽ ãgũsã yũre bũremubiri waja bũro wajamoãgũra”, ãrĩdeare bũremudi ããrĩmĩ. Irasirigũ, Marĩpũ dorederosũta wãdiru doódiru iridi ããrĩmĩ, ãgũyarã merã dia mirĩburire taribu. Marĩpũre bũremusĩã, i nikũ marãrẽ ãgũsã ãgũrẽ bũremubirire masĩmakũ iridi ããrĩmĩ. Marĩpũ, ãgũrẽ bũremumakũ: “Õãgũ ããrĩmĩ”, ãrĩ ããdi ããrĩmĩ.

⁸ Abraham Marĩpũre bũremusĩã: “Gaji nikũ yũ murẽ sĩburi nikũgue waaka!” ãrĩmakũ pégu, ãgũrẽ yũjũdi ããrĩmĩ. “Irogue waagũ irikoa”, ãrĩmasĩbirikeregu, ãgũya nikũrẽ wiriwãgãdi ããrĩmĩ.

⁹ Marĩpũ ãgũrẽ: “Iri nikũrẽ sĩgũra”, ãrĩdeare bũremugũ, iri nikũgue eja, ããrĩmejãjadi ããrĩmĩ. Iro ããrĩmejãjakeregu, gaji nikũmũ irirosũ surĩ gasiri merã iridea wiiri merã naaunadi ããrĩmĩ murãrõ ããrĩbirisĩã. Marĩpũ ãgũ magũ Isaare, ãgũ parãmi Jacore: “Iri nikũrẽ sĩgũra musãdere”, ãrĩmakũ, ãgũsãde Abraham irirosũta iri nikũgue naaunanerã ããrĩmã. ¹⁰ Abraham iri nikũrẽ naagũ, makãrĩ iribiridi ããrĩmĩ. Gaji makãgue Marĩpũ ããrĩrĩ makãgue ãmũgasigue ãgũ waaburire yũgu iridi ããrĩmĩ. Iri makã Marĩpũ iridea makã neõ perebiri makã ããrã.

¹¹ Abraham marãpo Sara pũrã marĩdeo Marĩpũre bũremusĩã, búrogora ããrĩkerego: “Marĩpũ ãrĩderosũta yũre irigũkumi”, ãrĩ bũremurĩ merã pũrãkũdeo ããrĩmó. ¹² Irasirigũ Abraham

bugurogora āārīkeregū, Sara merā majīgūrē pūrākūdi āārīmí. Īgū parāmerā āārīturiarā wārā āārīnerā āārímá. Neñukārē, ĩmipa yerire keo bokatiũña marĩō irirosū ĩgūsārē keo bokatiũmasĩña máa.

¹³ Āārĩpererā, Marĩpũ ĩgūsārē: “Sĩgũra”, ārĩdeare neō opamerāgue boanerā āārímá. Irire opabirikererā, gũñaturari merā: “Marĩpũ ĩgū ārĩderosũta pũrugue sĩgũkumi gũare”, ārĩ, ĩgūrē bũremuníkōānerā āārímá. Irasirirā gajirārē: “Gaji nikū marā irirosū i nikūgue naarā dita āārā”, ārĩ werenerā āārímá. ¹⁴ Īgūsā irirosũta irire ārĩrāno, gaji nikū, ĩgūsāya nikū āārĩburire āmarā yáma. Irire ōārō masĩa marĩ. ¹⁵ Marĩ ñekūsāmarā: “Gaji nikū marā āārā”, ārĩrā, ĩgūsā béowāgādea nikūrē gũñabirinerā āārímá. Irasū ārĩ gũñarā, goedujáakōābonerā āārímá. ¹⁶ I nikū nemorō ũmugasigue ōārĩ nikū gapũre: “Bũro waadũakoa”, ārĩ gũñanerā āārímá. Irasirigũ Marĩpũ ĩgūsā ĩgūrē: “Gũa Opũ āārĩmi”, ārĩmakū pégu, gũyasĩrĩrĩ marĩō: “Īgūsā Opũ āārā”, ārĩdi āārímí. Īgū pũro ĩgūsāya makā āārĩburore āmubosasiadi āārímí.

¹⁷ Marĩpũ Abrahārē: “¿Diayeta yũre bũremugũ yári?” ārĩ gũñagũ, ĩgūrē: “Yũ ĩũrō mũ magũ Isaare wějē soepeoka!” ārĩdi āārímí. Abraham gapũ Marĩpũre bũremusiā: “Neō yũ magũ sugũ āārĩgūrē wějē soepeobirikoa”, ārĩbiridi āārímí. ¹⁸ Iro dupiyurogue Marĩpũ ĩgūrē: “Mũ magũ Isaac merā mũ parāmerā āārīturiarārē opagũkoa”, ārĩsũdi āārīkeregū, Abraham Marĩpũre: “Yũ magūrē neō wějē soepeobirikoa”, ārĩbiridi āārímí. ¹⁹ Abraham: “Marĩpũ ĩgū turari merā boanerārē masũmasĩsiā,

yu magūrē wējēkeremakū, masūgukumi”, āri gūñadi āārīmí. Irasirigu, Marīpu Abrahārē kāmutaḡu: “Mu magūrē wējēbirikōāka!” ārīdi āārīmí. Irasirirā ire masīa. Abraham īgū magūrē boadigue masādi irirosū dupaturi opadi āārīmí.

²⁰ Isaac Marīpuḡe b̄remusīā, īgū pūrā Jacore, Esaúre: “P̄ḡḡue Marīpu m̄sārē ōārō irigukumi”, ārīdi āārīmí.

²¹ Jacob Marīpuḡe b̄remusīā, īgū boaburo dupiyurogā īgū tuadi merā tuawāḡānḡḡaja, Marīpuḡe sērē b̄remudi āārīmí. Irasirigu īgū magū José pūrārē: “Marīpu m̄sārē ōārō iritamuburo”, ārīdi āārīmí.

²² José Marīpuḡe b̄remusīā, īgū boaburo dupiyurogā īgū pūrārē āsū āri weredi āārīmí: “Marī parāmerā āārīturiarā Egiptogue āārīrā puḡu wirirākuma”, ārīdi āārīmí. “Irore wirirā, yaa ḡōārīrē āiaburo, īḡūsā ejari nikūḡue yāamurā”, ārīdi āārīmí.

²³ Moisés paḡsāmarā Marīpuḡe b̄remusīā, Moisés deyoadero puḡu, īgū ōāḡū āārīmakū īārā, ḡrerā abegora īḡūrē duripīnerā āārīmá. Egipto marā opu: “Israel bumarā majīrā ūmarē wējēburo”, āri doreḡu āārīdi āārīmí. Moisés paḡsāmarā gaḡu: “Marīpu marīrē iritamugukumi”, āri gūñarā, iri dorerire ḡūiri marīrō tarinḡḡānerā āārīmá. ²⁴ Puḡu Moisés Egipto marā opu magō masūdi āārīkereḡu, Marīpuḡe b̄remusīā: “Igo magū āārīmí”, īḡūsā ārīmakū péduabiridi āārīmí. ²⁵ Āsū gaḡu iridḡadi āārīmí. Marīpuḡyarā Israel bumarā merā ñerō taridḡadi āārīmí. Egipto marā merā wāri opakereḡu, īḡūsā merā āārīdḡabiridi āārīmí. Īḡūsā ñerī iriri gaḡu

iridubiridi aãrĩmĩ. ²⁶ Irasirigu ñerõ tarikeregu, Egipto marã opari nemorõ Cristo Marĩpu iriubuyarã merã ñerõ tariburire suyudi aãrĩmĩ. Pũrugue Marĩpu ĩgũrẽ õãrĩrẽ sĩburire masĩgũ, ĩgũsã merã ñerõ taridubadi aãrĩmĩ. ²⁷ Moisés Marĩpũre bũremusĩã, Egipto marã opu ĩgũ merã guamakũ ĩãgũ: “Marĩpu yũre iritamugukumi”, ãrĩ, irore aãrĩdi gũiri marĩrõ wiridi aãrĩmĩ. Irasirigu Marĩpu deyomarĩgũrẽ ĩãgũ irirosũ ĩgũ: “Marĩpu iritamurĩ merã ãsũ irigũra”, ãrĩrĩrẽ neõ gorawayuro marĩrõ iridi aãrĩmĩ.

²⁸ Moisés Marĩpũre bũremusĩã, Israel bumarãrẽ Egiptogue aãrĩrãrẽ ãĩwiuburi dupiyuro pascua wãĩkũri bosenu iripũroridi aãrĩmĩ. Irasirigu Marĩpu dorederosũta Moisés Israel bumarãrẽ oveja majĩrãrẽ wẽjẽdore, ĩgũsãya dí merã makãpũrorire wũkãdoredi aãrĩmĩ. Irire ĩãgũ, Marĩpũre wereboegu Egipto marã masã tĩrã ãmarẽ wẽjẽgũ, Israel bumarã masã tĩrã gapũre wẽjẽbiridi aãrĩmĩ. ²⁹ Israel bumarã Marĩpũre bũremusĩã, dia wãdiya deko diiadiya deko dukawanugãdea maa bojoñajãri maarẽ taribujanerã aãrĩmã. ĩgũsã irasũ taribujamakũ ĩãrã, Egipto marã gapũ ĩgũsãrẽ tũya taribujanerã, mirĩ boakõãnerã aãrĩmã.

³⁰ Israel bumarã Marĩpũre bũremusĩã, Jericó tũroma sãrĩrõrẽ ãtã majĩrĩ merã iridea sãrĩrõrẽ su mojõma pere gaji mojõ peru pẽrẽbejarinũrĩ iri makãrẽ ĩgũsã gãmegorodero pũrũ, iri sãrĩrõ meẽmejãdero aãrĩbũ. ³¹ Iro dupiyuro iri makãmo ãma merã ñerõ irideo, Rahab wãĩkũgo Marĩpũre bũremusĩã, Israel bumarã iri makãrẽ ĩãdurirã ejarãrẽ iritamudeo aãrĩmó. Irasirigo iri makã

marã Marĩpũ dorerire tarinũgãrã merã boabirideo ããrĩmó.

³² ¿Ñeénorẽ werenemogũkuri yũ? Gajirã Marĩpũre bũremurã: Gedeón, Barac, Sansón, Jefté, David, Samuel irideare, irasũ ããrĩmakũ Marĩpũya kerere weredupiyunerã irideare weregũ, werepeobiribukoa. ³³ Īgũsã Marĩpũre bũremusĩã, gaji nikũgue ããrĩrĩ makãrĩ marãrẽ gãmewẽjẽ, tarinũgãnerã ããrĩmã. Īgũsãyarã masakare diaye dorenerã ããrĩmã. Marĩpũ: “Mũsãrẽ õãrõ iritamugũra”, ãrĩderosũta Īgũsãrẽ õãrõ iritamudi ããrĩmĩ. Ēõkayea Īgũsãrẽ baabonerãrẽ disirire biamakũ irinerã ããrĩmã. ³⁴ Surãyeri peame bũro asirogue béosũkererã, ũjũbirinerã ããrĩmã. Gajirã, sareri majĩrĩ merã sare wẽjẽdũamakũ, tarinerã ããrĩmã. Turamerã ããrĩkererã, Marĩpũre bũremusĩã, turarã waanerã ããrĩmã. Irasirirã gaji nikũ marã Īgũsãrẽ ĩaturirãrẽ gãmewẽjẽ tarinũgãnerã ããrĩmã. ³⁵ Surãyeri nome Īgũsãyarã boanerãgue dupaturi okamakũ ĩãnerã ããrĩmã.

Gajirã Marĩpũre Īgũsã bũremurĩrẽ piridũabiri waja peresugue bũro ñerõ iribirari merã boanerã ããrĩmã. Īgũsã pũrũgue masã, Marĩpũ merã ũmũgasigue õãrõ ããrĩburire gããmesĩã, Īgũrẽ bũremurĩrẽ piridũabirinerã ããrĩmã. ³⁶ Gajirã Marĩpũre bũremurã, bũridari merã bũro tãrãsũnerã ããrĩmã. Gajirã Īgũsãya guburi, mojõrĩrẽ kõme dari merã sũa, peresugue biadobosũnerã ããrĩmã. ³⁷ Gajirã ũtãyeri merã dea wẽjẽsũnerã ããrĩmã. Gajirã Īgũsãya dupũre wiiriro merã wiritã wẽjẽsũnerã ããrĩmã. Gajirã sareri majĩrĩ merã wẽjẽsũnerã ããrĩmã. Gajirã

guyasĩrĩbodi ããrĩkeregu, ĩgũ purugue usuyaburire masĩsĩã, guyasĩrĩbiridi ããrĩmĩ. Masã mũrĩadero purũ, dorebu Marĩpu diaye gapũ doadi ããrĩmĩ.

³ Irasirirã Jesũs waadeare gũñaka! Ñerã ĩgũrẽ burũ ñerũ tarimakũ irinerã ããrĩmã. Irasirirã musãde ñerũ tarirã, õãrũ yujupũrãkũ, piriro marĩrũ ĩgũrẽ gũñaturanĩkõãka! ⁴ Ñerã ñerĩrẽ iridorerire musã tarinũgãdamakũ ĩãrã, musãrẽ wẽjẽñabema dapa. ⁵ ¿Marĩpu musãrẽ ĩgũ pũrãrẽ weredeare kãtiakõãrĩ? ĩgũya werenĩrĩ gojadea pũgue ãsũ ãrĩdi ããrĩmĩ:

Yũ magũ, yũ mũ Opũ, mũrẽ õãrũ iriburo, ãrĩgũ, wajamoãrĩrẽ pemasĩka! Mũrẽ: “Ñerĩrẽ iropata irika!” ãrĩmakũ pẽgu, bujawerebirikõãka!

⁶ ãsũ ããrã. Yũ maĩrãrẽ: “Ñerĩrẽ irimerãta!” ãrĩ, pũrĩrũ páro irirosũ werea. Yũ pũrã ããrĩpererãrẽ wajamoãa õãrũ iridoregu, ãrĩdi ããrĩmĩ.✠

⁷ Marĩpu musãrẽ wajamoãmakũ ĩãrã, ĩgũrẽ õãrũ yujuka! Sugu pagũ ĩgũ magũ ñerũ irimakũ ĩãgũ, ĩgũrẽ wajamoãkumi. Irasũta Marĩpu, marĩ ñerũ irimakũ ĩãgũ, marĩrẽ ĩgũ pũrãrẽ pũrĩrũ páro irirosũ weregũkumi õãrũ iriburo, ãrĩgũ. ⁸ Marĩpu ããrĩpererã ĩgũ pũrãrẽ ĩgũsã ñerũ iridea waja pũrĩrũ páro irirosũ weremi. ĩgũ werebirimakũ, musã ĩgũ pũrã ããrĩbiribukoa. Pagũ marĩrã, ñerũ irisĩã bokasũnerã irirosũ ããrĩbukoa. ⁹ Marĩ majĩrã ããrĩmakũ, marĩ pagusãmarã marĩ ñerũ iriri waja pũrĩrũ páro irirosũ weremakũ, ĩgũsãrẽ buremubũ. Irasirirã marĩ pagusãmarãrẽ buremurĩ merã yujuro nemorũ, Marĩpu mũmũgasigue ããrĩgũrẽ

✠ 12:6 Job 5.17; Pr 3.11-12

buremurĩ merã õãrõ yujuro gããmea. Ìgũrẽ buremurã, Ìgũ merã õãrõ ããrĩrãkoa. ¹⁰ Marĩ ñerõ irimakũ, marĩ pagusãmarã Ìgũsã gããmerõsũ yoabiripoe wajamoãma. Marĩpũ gapũ diayema merã wajamoãmi, marĩrẽ Ìgũ irirosũ õãrã ããrĩmakũ irigũ. ¹¹ Diayeta ããrã. Marĩpũ marĩrẽ wajamoãmakũ, usuyabea. Marĩ bujawerekererã, Ìgũ marĩrẽ wajamoãdero purũ, marĩ Ìgũrẽ õãrõ yujurã, diayema iririre iri, Ìgũ merã siñajãrĩ oparãkoa.

Marĩpũ werenĩrẽ pẽdũabirimakũ goegorãa marĩrẽ, ãrĩ gojadea

¹² Irasirirã musã Marĩpũre buremuturamerã ããrĩbirikõãka! Ìgũrẽ õãrõ gũñaturanemoka! Ìgũyare piriro marĩrõ õãrõ iritũyaka! ¹³ Õãrõ diayema irika! Gajirã Marĩpũre gũñaturamerã, musã irasirimakũ ããkũirã, gũñaturari merã Ìgũyare iritũyarãkuma.

¹⁴ ããrĩpererã masaka merã gãmekẽãrõ marĩrõ õãrõ ããrĩrikuka! Ñerõ iriro marĩrõ ããrĩka! Ñerĩ marĩrã dita marĩ Opũ Jesucristore ããrãkuma. ¹⁵ Õãrõ pẽmasĩka! Marĩpũ musãrẽ iritamurĩrẽ: “Gããmebirikoa”, ããrĩbirikõãka! Ñerĩ tá puri masã, õãrĩ oteri gapũre poyanorẽrokoa. Musãde ñerĩrẽ irirã, gajirãrẽ poyanorẽrãkoa. Irasirirã ñerĩrẽ iribirikõãka! ¹⁶ Sugu Ìgũ marãpo ããrĩbeo merã, neõ sugo igo marãpũ ããrĩbi merã ñerõ iribirikõãburo. Marĩpũyadere gããmemerã irirosũ neõ ããrĩbirikõãka! Irĩpoeguẽmũ Esã Marĩpũyare gããmebiridi ããrĩmĩ. Ìgũ masã tĩgũ ããrĩsĩã, Ìgũ pagũyare Ìgũ boadero purũ opabu ããrĩkeregũ,

sunu buro uaboa, baari merã ĩgũ pagumurẽ ĩgũ opabodeare gorawayudi aãrĩmĩ. ¹⁷ ĩgũ irasiridero puru waadeare masĩa musã. Esaú, ĩgũ pagu ĩgũrẽ: “Yu sĩburi merã õãrõ aãrĩgukoa”, aãrĩburire pẽduakeremakũ, ĩgũ pagu gapu ĩgũrẽ: “Mu pagumurẽ sĩsiabu irire”, aãrĩdi aãrĩmĩ. ĩgũ irasũ aãrĩmakũ pẽgu, Esaú buro oreri merã ĩgũ pagure: “Sĩka yure!” aãrĩ sẽrẽkeregu, ĩgũ pagu ĩgũrẽ sĩmakũ neõ irimasĩbiridi aãrĩmĩ.

¹⁸ Marĩpu ĩgũ dorerire Moisere pímakũguere marĩ ñekũsãmarã Israel bumarã Marĩpu aãrĩrõgue ejanugãmakũ goegoradero aãrĩbũ. Dapagorare musã gapure irasũ aãrĩbea. Marĩpu ĩgũ dorerire Moisere pígu, Sinaí wãĩkũdi ãtãũgue aãrĩdi aãrĩmĩ. Irasiriro irogue ĩgũsã ejanugãburipoe iri ãtãũguere peame buro ãjãrõ, naĩtĩãrõ, ñĩmikãyebori, mirũ buro wẽjãpuro aãrĩdero aãrĩbũ. ¹⁹⁻²⁰ Irogue puridiru buro busumakũ penerã aãrĩmã. Puru Marĩpu ĩgũsãrẽ werenĩmakũ penerã aãrĩmã. Marĩpu goero merã ãsũ aãrĩdi aãrĩmĩ ĩgũsãrẽ: “Iri ãtãũrẽ ñapeorãnorẽ ãtãyeri merã dea wẽjẽka, o sareri majĩ merã sare wẽjẽka!” aãrĩdi aãrĩmĩ. “Waimurãdere irasũta irika!” aãrĩdi aãrĩmĩ. ĩgũ irasũ aãrĩ werenĩmakũ pẽrã, gũiri merã Moisere: “Iropata guare wereburo”, aãrĩ, buro sẽrẽnerã aãrĩmã. ²¹ Moisés aãrĩpererire ãtãũguere goero aãrĩrĩrẽ ĩãgũ: “Buro gũiri merã naradagu yãa”, aãrĩdi aãrĩmĩ.

²² Musã gapu iripoegue marã Sinaí wãĩkũdi ãtãũgue ejanugãnerã irirosũ aãrĩbea. Ũmugasigue Marĩpu aãrĩrõgue Siõn wãĩkũdi ãtãũgue murĩjarosũ diaye ĩgũ merã werenĩmasĩa. Irogue Marĩpu

okanígūya makā, Jerusalén wāīkuri makā āārā. Iroguere Marīp̄ure wereboerā wárāgora āārīma. ²³ Īgūsā usuyari merā nerērā, Marīp̄ure: “Ōātaria m̄”, ārī b̄remuma. Iroguere Marīp̄u pūrāde ūmugasima gojadea pūgueta Īgūsā wāirē gojatúsūnerā nerēma. Marīp̄u āārīpererā iririre: “I gap̄u ōāa, i gap̄u ōābea”, ārī wereḡu āārīmi. Marīde Īgū merā ōārō āārā. Irasirirā iroguere marā merā nerērāsūta āārā. Marīp̄u Īgūsārēta ñerī opamerā āārīmakū irisiadi āārīmī. ²⁴ Marī Jesúre b̄remurā āārā. Iripoegue Marīp̄u marīrē: “Ōārō iriḡura”, ārī werepídi āārīmī. Īgū irasū ārī werepíderosūta Jesús iridi āārīmī. Īgūya díre béo boadea merā marīrē taudi āārīmī. Iripoeguem̄ Abel Īgūya dí béodeare ĩāgū, Marīp̄u Īgūrē wējēdire wajamoādi āārīmī. Jesucristoya dí béodea gap̄ure ĩāgū, marīrē waja opamerā āārīmakū iridi āārīmī. Irasiriro Cristo dí béodea, Abel dí béodea nemorō wajak̄ua.

²⁵ Irasirirā ōārō pémasīka! Marīp̄uyare wereḡure péduamerā irirosū āārībirikōāka! Iripoegue i nikūm̄ Moisés Marīp̄uyare weremakū pérā, wárā irire péduabirinerā āārīmā. Īgūsā irire péduabiridea waja Marīp̄u Īgūsārē wajamoādi āārīmī. Īgūsā nemorō Cristore péduamerā gap̄ure b̄uro wajamoāḡukumi. Cristo ūmugasiguem̄ Marīp̄uyare wereḡu āārīmi. ²⁶ Iripoegue Marīp̄u Īgū dorerire Moisére p̄íḡu, Īgū werenírí merā nikū ñomemakū iridi āārīmī. Dapagorare āsū ārīmi: “Sun̄u i nikū ñomemakū iriḡu, suñarōta gajino irinemoḡura. I nikū dita ñomemakū iribi meta āārīḡukoa. Ūmugasiguedere ñomemakū iriḡura”, ārīmi. ²⁷ “Sun̄u i nikū ñomemakū iriḡu, suñarōta

gajino irinemogura”, ãrĩgũ: “Ããrĩpereri yu irideare béogukoa”, ãrĩgũ yámi. Ìgũyarãrê doregũ ããrĩrĩ gapure béobirikumi. Irasiriro ìgũ irideare béomakũ, ìgũyarãrê doregũ ããrĩrĩ dita dujarokoa. ²⁸ Marĩpu ìgũyarãrê dorerogue marĩrê ìgũ merã ããrĩmakũ irigukumi. Irasirirã ìgũyarãrêrê doregũ ããrĩrĩrê béosũbirimakũ ìãrã, Marĩpure: “Mũ merã usuyáa”, ãrĩrõ gããmea. Irasirirã bũremurĩ, gopepyaro merã ìgũyare irituyaro gããmea. Irasũ irirã, marĩ ìgũrê usuyamakũ irirãkoa. ²⁹ Peame ùjũrõ goerosũ Marĩpu goero wajamoãgũ ããrĩmi. Irasirirã ìgũrê gopepyaro merã bũremurã!

13

Marĩpu suyuri ditare iriro gããmea, ãrĩ gojadea

¹ Marĩ Jesucristore bũremurã sugũ pũrã irirosũ ããrã. Irasirirã gãme maĩrĩrê neõ piribirikõãka!

² Musã puro ejarãrê õãrõ merã musãya wiirigue ñjãridoreka! Irire kãtibirikõãka! Iripoegue gajirã irasirirã, Marĩpure wereboerãrê ìgũsãya wiigue ñjãdorenerã ããrĩmã. “Marĩpure wereboerã ããrĩmã”, ãrĩmasĩbirinerã ããrĩmã.

³ Peresugue ããrĩrãrê bopoñarĩ merã gũñaka! Ìgũsã merã peresugue ããrĩrã irirosũ péñaka! Gajirã ñerõ tarirãdere bopoñarĩ merã gũñaka! Ìgũsã merã musãde ñerõ tarirã irirosũ péñaka! Iritamuka ìgũsãrê!

⁴ Ããrĩpererã marãpokurã, marãpokurã gãme gopepyari merã ìãburo. Ūma ìgũsã marãposã nome merã õãrõ ããrĩrikuburo. Nomedede ìgũsã marãpusãmarã merã õãrõ ããrĩrikuburo. Marãpu marĩrã, marãpokurãde gajirã ũma merã ñerõ

irimakũ ããgũ, marãpo marĩrã, marãpokũrãde gajirã nome merã ñerõ irimakũ ããgũ, Marĩpũ ãgũsãrẽ wajamoãgũkumi.

⁵ Niyerure maĩbirikõãka! Mũsã opari merã usuyaka! Marĩpũ ãsũ ãrĩdi ããrĩmĩ: “Mũsãrẽ neõ béobirikoa. Mũsã merã ããrĩnĩgũkoa mũsãrẽ iritamubu”, ãrĩdi ããrĩmĩ. ⁶ Irasirirã gũñaturari merã ãsũ ãrĩ masĩa:

Marĩ Opũ yũre iritamugũ ããrĩmi. Neõ sugũ masakũ yũre ñerõ iridũarire gũibeã, ãrĩ masĩa.✧

⁷ Mũsãrẽ õãrõ siuu, Marĩpũya kerere werenerãrẽ gũñaka! ãgũsã okaro bokatĩũrõ õãrõ ããrĩrikũdeare gũñaka! Irasũ gũñarã, Jesucristore ãgũsã bũremuderõsũta mũsãde bũremuka!

⁸ Jesucristo marĩrẽ iritamugũ, neõ gorawayubirikumi. Iripoegue, dapagoradere, pũruguedere ãgũ ããrĩderõsũta ããrĩnĩkõãgũkumi.

⁹ Gajirã gajirosũ buerire pãnemobirikõãka, Marĩpũya diayema buerire béori, ãrĩrã! ãgũsã marĩrẽ: “Ire baaka! I gapũre baabirikõãka!” ãrĩ buemoãmakõãma. Iri buerire tũyamakũ marĩrẽ iritamubeã. Marĩpũyare marĩrẽ gũñaturamakũ iribeã. Marĩpũ dita ãgũ marĩrẽ maĩrĩ merã marĩrẽ gũñaturamakũ yãmi.

¹⁰ Iripoegue Marĩpũya wiigue paĩa waimũrãrẽ wẽjẽ soepeonerã ããrĩmã. Irasirikererã, iri merã masakare ãgũsã ñerõ iridea wajare neõ taumasĩbirinerã ããrĩmã. Jesucristo gapũ ãgũ boari merã marĩ ñerõ iridea wajare taudi ããrĩmĩ. ¹¹ Paĩa opũ waimũrã wẽjẽ, Marĩpũ ããrĩrĩ taribugorague ãgũsãya díre ãĩ ñajãdi ããrĩmĩ. Irogue Marĩpũre

✧ 13:6 Sal 56.3-4, 9-11; 118.6

masaka ĩgũsã ñerõ iridea wajare: “Béokal” ãrĩ sērēbosadi ããrĩmĩ. ĩgũ wējēnerã waimurãya dupuri gapure makã turogue soebéokõadi ããrĩmĩ. ¹² Irire iriderosũta Jesũdere makã turogue wējēbéonerã ããrĩmã. Irasirikeremakũ, ĩgũya dí béori merã marĩrē waja opamerã ããrĩmakũ iridi ããrĩmĩ. ¹³ Jesũs makã turogue curusague boari: “Gũyasĩũgorãa”, ãrĩsũdero ããrĩbũ. ĩgũ boamakũ, masaka ĩgũrē turi, bũridanerã ããrĩmã. ĩgũrē irasiriderosũta masaka marĩdere turi, bũridakeremakũ, piro marĩrõ ĩgũrē tũyaro gããmea. ¹⁴ I nikũgue marĩ ããrĩburi makã máa. Gaji makã, marĩ purugue ããrĩburi makãrē mũugasima makãrē yũrã yãa. ¹⁵ Irasirirã Jesucristo iritamurĩ merã Marĩpũre bũremurã, iro dupiyuro ĩgũrē gajino sũnaderosũ, dapagorague ĩgũrē usũyari sĩnikõãrã! ĩgũrē: “Gũapũ, õãtarigũ ããrã”, ãrĩ bũremurã! ¹⁶ Gajirãrē õãrõ irika! Mũsã oparire opamerãrē guereka! Irire kãtibirikõãka! Mũsã irasirirã, Marĩpũre sĩrã irirosũ irirãkoa. ĩgũrē usũyamakũ irirãkoa.

¹⁷ Mũsã oparãrē õãrõ péka! ĩgũsã dorerire bũremurĩ merã iritũyaka! Marĩpũ pídi ããrĩmĩ, ĩgũsãrē mũsãrē õãrõ koredoregũ. Irasirirã mũsãrē ĩgũyare õãrõ buenikõãma, ĩgũrē bũremurĩrē piribirikõãburo, ãrĩrã. Purugue Marĩpũ ĩgũsãrē: “Wereka yũre! ¿Naásũ buerĩ?” ãrĩ sērēñamakũ, ĩgũrē yũjurãkuma. Irire masĩsĩã, õãrõ buedũama. Irasirirã ĩgũsã buerire mũsã õãrõ pémakũ, usũyari merã moãrãkuma. Mũsã pébirimakũ gapũ bũjawererãkuma. Mũsã ĩgũsãrē tarinũgãrã, õãrõ ããrĩrikãbirikõa.

18 Mũsã Marĩpũre sērērã, gũaya ããrĩburire sērēbosanĩka! Gũa õãrĩ ditare iridũãa. Marĩpũ iũrõ: “Õãrĩrē irirã, waja opamerã ããrã”, ãrĩ pēñãa. 19 Yũre Marĩpũre sērēbosarã, ãsũ ãrĩ sērēka: “Mérõgã purũta ãgũ gũa purõgue dupaturi aariburire ãmuka!” ãrĩ sērēka!

Õãdoretũnudea

20 Marĩpũ marĩrē ãgũ merã õãrõ siñajãrĩ sĩgũ marĩ Opũ Jesucristo boadiguere masũdi ããrĩmĩ. Jesucristo ovejare korerimasũ irirosũ marĩrē õãrõ koregũ ããrĩmi. Iripõegue Marĩpũ marĩrē: “Õãrõ irigũra”, ãrĩ werepĩdi ããrĩmĩ. ãgũ werepĩdeare Jesús boagũ ãgũya dí béodea merã marĩrē iriyuwarikũdi ããrĩmĩ. Irire neõ béobirikumi. 21 Irasirigũ Marĩpũ mũsãrē iritamunĩkõãburo. Iri iritamunĩrĩ merã ããrĩpereri õãrĩrē, ãgũ gããmerĩ ditare irimakũ iriburo. ãgũ gããmerõsũta Jesucristo merã marĩ ããrĩpererãrē irasiriburo. Irasirirã Cristore: “Õãtaria mũ”, ãrĩ bũremunĩkõãrã! Irasũta irirã!

22 Yaarã, i pũgue yũ mũsãrē: “Ãsũ irika!” ãrĩ gojarire õãrõ merã pēka! Yũ mũsãrē wãrigora gojabodi ããrĩkeregũ, mérĩgã were gojabũ. Irasirirã irire õãrõ bueka! 23 Idere mũsãrē weregũra. Marĩyagũ Timoteore peresugue ããrãdire wiuañũrã. Dapagõrãre ãgũ aarimakũ, yũ ãgũ merã mũsãrē ããgũ waagũra.

24 Mũsã oparãrē, gajirã Jesucristore bũremurãrē ããrĩpererã iro ããrĩrãrē õãdõrea gũa. Gũa merãmarã Italia marã mũsãrē õãdõrema.

25 Marĩpũ mũsã ããrĩpererãrē õãrõ iritamuburo. Irasũta iriburo.
Iropata ããrã.

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 22 Feb 2024 from source files
dated 29 Jan 2022
1a0774e8-d152-5929-891b-95e0d2238786